

# *DIPOTSO LE DIKARABO*

 Ke a go leboga, Mokaulengwe Neville. Ke ile go tshwanela go go dumedisa ka seatla ka nako e. Morena A go segofatse, Mokaulengwe Neville.

Sentle go molemo thata go boela fano, le fa e le gore go mogote. Ke a dumela jaaka mongwe a buile mo Kgolaganong e Kgologolo: “Ke ne ka itumela fa ba ne ba re bolelala, A re yeng ko ntlong ya Morena.”

Mme jaanong, gone ka nnete ke maitseboa a a mogote. Mme ko go lona baeti ba ba nang le rona, lo kgona go bona gore gobaneng Indiana, go bokete go tshela golo fano mo tikologong mo go ana—makgobokgobo ana. Ke a go bolelala, ke fela masome a ferabongwe le boraro mo go oo, masome a ferabongwe le boraro. Jalo he, lo a bona, fa o fitlha golo fa gaufi le lekgolo le masome a mabedi, jaaka go ntse jalo ko Louisiana le Arizona, o kgona go lemoga se go leng sone ka nako eo, ka fa o tsenang ka mmannete... Fa moo—moo go ne go le fano, re ne re tlaa nyelela fela; moo go tlaa nna gotlhe. Fela go molemo go nna fano go tsenya nako ena ya kobamelo.

<sup>2</sup> Morago ga ke sena go ya gae mosong ono, ke ne fela ka ikutlwā ke siame tota, tota ka ga... Ke dumela gore ba le bantsi ba ne ba fodisiwa mosong ono ba—ba ba sa go lemogeng, gongwe, go fitlheleng nakong ena, fela ba tlaa siama; ka gore Lefoko la Morena le ne le le la boleng jo bo kwa godimo thata mosong ono mo dipelong tsa rona.

<sup>3</sup> Ke ne fela ke... Erile ke simolola go tsamaya, go ne go lebega ekete dipota tsena di ne di batlide di hema ka mo—ka mohuta mongwe di buduloga ka Mowa o o Boitshepo thata teng fano. Mme ke ne ke itumeletse seo thata.

<sup>4</sup> Ke ne ke utlwā Mokaulengwe Smith, tsala ya me, a rapela fela metsotso e le mmalwa e e fetileng, modisa phuthego wa Church of God, Anderson. Mme Mokaulengwe Smith o na le pampitshana, ga ke fopholetse gore re di abile fa ntle fano fa motlaaganeng. Fa ope wa lona a sena pampitshana eo, lo e baleng. Moo ke pampitshana e nnye e e makatsang; gone go sena pelaelo epe ke Boammaaruri jwa Dikwalo. Mme ke ne ka isa di le dintsi tsa tsone ko Chicago le mafelong a a farologaneng go di abisa, ka gore tsone ka nnete ke pampitshana e e bolelang boammaaruri, e ntle thata. Mme ke a itse di ne di kwadilwe go tswa mo pelong e e ikanyegang ebile e ratang Modimo. Ga go maikaelelo ape a a pelotshetlha fa morago ga Mokaulengwe Smith, Mokeresete fela gotlhe. Jalo he re itumeletse go golagana bosigong jono le batho ba seriti seo.

<sup>5</sup> Ke a dumela ke bona tsala ya me e e molemo, Mokaulengwe Borders fano go tswa—go tswa golo kwa California. Mme o ne a—a ne a ntirela tiro e kgolo fela mo bosheng—ka ntlha ya Morena—golo ko boko—koo—re neng re simolola bokopano jwa kwa San Jose ga mmogo. Ke solo fela gore o tlaa dira tiro e e siameng mo go jo bo latelang Mokaulengwe Borders. Mme ke rata Mokaulengwe Borders, ka gore ke fitlhela mo go ena mowa o o pelonolo, o o bonolo. Mme ke—ke akanya gore eo ke tlhwatlhwa e kgolo. Ke akanya gore motho yo o nang le mohuta oo wa mowa o tshwanetse a bo a itumetse thata.

<sup>6</sup> Go na le ba le bantsi thata ba bangwe teng fano, ba nna fela nka se kgoneng go bala palo ya gore ke bomang. Ke bona Mokaulengwe Collins morago koo, mokaulengwe wa rona, mme—fong badiredi ba bangwe, le tsala ya rona e e molemo Mokaulengwe Sothmann, lelwapa la gagwe, go tswa kwa Northern Saskatchewan. Mme ke a itse Mokaulengwe Evans o fano; ga ke ise ke mmone ka nako e, fela ke bone lelwapa la gagwe, mme—go tswa golo ko—ko Georgia. Mme Mokaulengwe Palmer ke yoo le—go tswa golo ko Georgia, le—le Mokaulengwe West, ke a dumela, go tswa Alabama kgotsa Georgia. O tswa ko kae Mokaulengwe West? Nna . . . Gone ke . . . Ao, Huntsville. Mme fong . . . Ao, rona fela re itumetse go lo bona lotlhe teng fano.

<sup>7</sup> Mme jaanong, Mokaulengwe Lyle, morago koo, Wood, go tswa bo—golo ko Indiana bokone, le baratwa ba gagwe. Mme ke akanya gore Mokaulengwe Charlie o fano, mompati wa me wa kgale—mompati wa letsomo go tswa golo ko Kentucky (motsomi wa bobedi wa megwele yo o botoka go gaisa thata mo Kentucky, motsomi wa bobedi wa megwele yo o botoka go gaisa thata. O tlaa ntuedisa seo. Go siame!) le mosadi wa gagwe le lelwapa. Mme ko go lona lotlhe, tumediso ya Bokeresete.

<sup>8</sup> Mokaulengwe yo monnye fano, ga ke kgone go akanya ka ga leina la gagwe—fano, ba ba farologaneng. Fela lona lotlhe lo itse gore nna go tlhomame ke lo lebogela go tswela ntle bosigong jono go obamela le rona fa motlaaganeng.

<sup>9</sup> Mme jaanong, bosigong jono ke bosigo jo bo sa tlwaelesegang fa motlaaganeng, ka gore ke bosigo jwa dipotso le dikarabo. Mme moo ka gale go tla e ka nna gangwe mo ngwageng mongwe le mongwe kgotsa di le pedi. Mme lebaka le ke dirang seo, ke go tlholo ke gakologelwa se se leng mo monaganong wa batho, gore ke tle ke itse fela se dipotso tsa bone di leng sone. Re dire gore mongwe le mongwe a tsenye fela potso mo teng, mme re tlogre re e arabe go tswa mo seraleng.

<sup>10</sup> Jaanong, mo go sena ga ke a ka ka—ke ne ke gopotse gore go ne go tlaa bo go loile thata, fela ke na fela le dipotso di le mmalwa thata. Jalo he ga go tle go re tsaya lobaka lo lo leelee go di araba. Ke ne ke akanya gore ke tlaa amogela terei yotlhe e

e tletseng, fela ke di le mmalwa thata ebile di le motlhofo thata. Fela dingwe tsa tsone ke tse di lebaganeng le dithuto.

<sup>11</sup> Mme mo thutong ena ke tlaa tshwanelo go arabal potso ya batho ke sa itse ba e neng ba le bone (ka gore ba le bantsi ga ba a kwala maina a bona mo dipotsong); mme ke gone ka moo, ke tlaa tshwanelang go e arabal go ya ka thuto e re e emelang fa motlaaganeng. Mme ka go dira seo . . . Mme fa go diragala gore ka mohuta mongwe go dire gore go se tlhaloganyegenyana mo bangweng ba bakaulengwe le bokgaitsadi ba rona ba ba etileng, rona re ne re sa tle go dira seo se direlwa lefela. Ga re dumele gore ope a tlhatlhuruane fela ka dintlhanyana tsa Dikwalo. Re dumela gore Keresete o sule go re boloka rotlhe, mme rotlhe re bolokilwe ka Madi a Gagwe.

<sup>12</sup> Fela jaaka kereke le jaaka ba—batho, phuthego, re tshwanetse re nne le thuto e re e emelang gore re nne ke—kereke. Mme thuto ena e re e emelang, ke bojotlhe jwa kitsa ya rona mo Lefokong la Modimo, Boammaaruring jwa Modimo. Jaanong, o na le tshwanelo e e itekanetseng go e leba ka tsela e e farologaneng fa o eletseng go dira. Mme ke gone ka moo, fa nna . . .

<sup>13</sup> Mongwe o botsa dipotsa fano . . . Di le mmalwa tsa tsone ke mokaneng di le tse di tshwanetsweng go tlhaloswa ka go tsenelela thata. Mme ke tlaa arabal jaanong ka bojotlhe fela jo nna ke bo itseng.

<sup>14</sup> Jaanong, tsela e ke lekang go berekana le potso ka yone ke ena. Potsa . . . Fa—motho a ka tsaya fela Lekwalo le le lengwe mme a kgone go batla go Le dira le bue sengwe se wena o batlang gore Le se bue. Fela Lokwalo, Lokwalo lengwe le lengwe ke Boammaaruri. Mme Lone le itekanetse thata, go fitlhela Modimo yo o senang selekanyo Yo o buileng Lekwalo, Lone le itekanetse thata gore ga Le nke le nna le bokhutlo. Jalo he ke gone ka moo, Le tlaa sepelang go tloga ko go Genesi go ya ko go Tshenolo, e le selo se se tshwanang. Ga le kitla le fapoga. Mme foo, fa Baebele e le Lefoko la Modimo le le tlhotlheleditsweng, ga Le kitla le Ikganetsa mo lefelong lepe. Le tlaa tsamaya tsela yotlhe go ralala Lokwalo.

<sup>15</sup> Jaanong, makgetlo a le mantsi . . . Jaaka ke ne okare ke makgakganyana mosong ono mo go rereng Samesone le Delila le kereke mo selefatsheng, fela ga ke ikaelele go nna makgakga, fela ke ikaelela go tshepafala, fela go tshepafala jaaka nna—ditumelo tsa me di ntse ka gone.

<sup>16</sup> Jaanong, mo Dikwalong, Tsone e leng Lefoko la Modimo le le sa palelweng, ke dumela gore go na le selo se le sengwe fela se se ka phuthololang Lekwalo ka tshiamo, moo ke, Mowa o o Boitshepo. Ke dumela gore moo ke . . . Mme Mowa o o Boitshepo Ena yo o kwadileng Dikwalo, mme a re Tsone ga se tsa phuthololo epe ya boithatelo jwa motho . . . Ke gone ka moo,

fa go tlaa tsamaya tsela yotlhe go ralala Dikwalo, E tshwanetse e nne one Mowa o o Boitshepo ka ntlha eo, tsela yotlhe go tswelela, go Go phutholola.

<sup>17</sup> Fela jaanong, batho ba le bantsi mo dikerekeng tsa bone le ditumelang tsa bone, ba na le dipharologanyo, sengwenyana se ba tshwarelelang mo go sone se se ka nnang sa bo fela se le se se ganetsang gannye. Fa di ntse jalo, go direng fela jaaka nna ke dirang ka gone fa ke ja phae ya tšheri. Ga nke ke ja peo. Fa ke rakana le peo, ke latlhela fela peo kwa ntle ke bo ke tswelela ke ja phae. Jalo he seo ke se lo se dirang.

<sup>18</sup> Ke bona Kgaitsadi wa rona Wooten o na le leseanyana la gagwe a eme foo. Fa a fisa, Kgaitsadi, mme o sena setilo, ke a ipotsa fa mongwe wa bakaulengwe ba rona a ne a ka se kgone go tsaya setilo go tswa ka ha teng mme a se beye morago koo fa setlhabaphefong gore Kgaitsadi a kgone go nna le lefelo le le tsiditsana go nna fatshe. Re tlaa itumelela go dira seo, ke a tlhomamisa, ope wa bakaulengwe bana... Setlhabaphefo ko morago koo, Kgaitsadi, gone—se fokelang ka tsela ena mme go na le setilo. Fa o batla go se dirisa, wena fela o tswelele gone ko pele.

<sup>19</sup> Jaanong, ope wa lona bakaulengwe ba lo eletsang go apola jase ya lona, tswelelang fela gone ko pele, lo itireng gore lo ikutlwé sentle ebile lo ipela.

<sup>20</sup> Jaanong, ke ile go kopa mmele, gore fa ba tlaa nthapelela. Beke ena e e latelang ke tshwanetse ke ye ko California, tsela yotlhe golo koo, ka ntlha ya bosigo bo le bongwe jwa tirelo. Fela bosigo bo le bongwe go rera kwa Christian Business Men's International Convention. Fela ba bo bapaditse, mme re soloftsetse gore dikete di le dintsi tsa batho ba nne teng. Mme nka se batle go ba swabisa. Mme ke ne ka ba bolelela gore ke tlaa tla fa ke ne ke se ko Australia ka nako ena, mo e leng gore ke ne ka rulaganyetswa go nna gone. Jalo he re rapeleleng.

<sup>21</sup> Mme ope wa lona basepedi ba ba rategang ba lefatshe lena ba ba leng mo malatsing a lona a boikhutso go tswa mo tirong ya lona ya malatsi otlhe mme o tlaa rata go nna mo bongweng jwa dikopano, go tlaa nna le tirelo ya malatsi a le mararo kwa Cleveland, Tennessee, Church of God. Ke akanya gore eo ke Pentecostal Church of God, ditsamaiso tsa Tomlinson. Mokaulengwe Littlefield, David Littlefield, ke modisa phuthego, lejentlemane le le siameng thata la Mokeresete. Ena ke mo Yankee go tswa kwa Bokone, go tswa kwa Bangor, Maine, fela ke mokaulengwe wa Mokeresete wa mmannete, yo o siameng thata.

<sup>22</sup> Mme jalo he, fa o le mo loetong lwa gago mme o tlaa rata go tla, gongwe bosigo jwa Mosupologo e tlaa nna tshwaelo ya motlaagana o mokima thata, o motona o ba o agileng. Mme fong, bosigo jwa Labobedi le Laboraro jwa beke e e tlang, Morena fa a

ratile—eseng beke ena e e tlang, beke e e latelang—e tlaa bo e le ditirelo tsa phodiso, tse di tlaa bong di le ka di 6, di 7, le di 8.

Jaanong, pele ga re bulu Lefoko, ke tlaa rata fa re ka oba ditlhogo tsa rona motsotso fela ka ntlha ya thapelo.

<sup>23</sup> Morena Modimo, Rara yo o rategang thata wa rona rotlhe, Yo o rudisitseng Morena Jesu mo baswing mme a Mo re neela mo popegong ya Mowa o o Boitshepo. Morago a se na go bapolwa, a sule, a fitlhilwe, a tsogile ka letsatsi la boraro, mme a tlhatlogetse ka ko kgalalelong, kwa jaanong a dutseng fa seatleng se segolo sa Motlotlegi kwa godimo, a tshela ka metlha yotlhe go dira tsereganyo, moperesiti yo Mogolo yo o kgonang go angwa ke maikutlo a makoa a rona mme a itse le e leng tswere e nnyennyane go feta e e tlaa welang fa mmileng, A ka ba a tila jang ka boikanyego jwa bana ba Gagwe ba ntseng bosigong jono mo kagong ena e e mogote fela go utlwa Lefoko. Ke a tlhomamisa, Morena Modimo, fa re ne ebile re sa kope, gore Wena o ne o tlaa tshollela ditshegofatso tsa Gago mo go bone ka ntlha ya bopelokgale jwa bone jwa go ema fa maikarabelong a bone a tiro bosigong jono.

<sup>24</sup> Go na le baeng fano, Morena; re a ba rapelela le dikereke tsa bone. Go na le badiredi ba ba tlhomilweng ba Efangedi—ba tlhomilweng ke Modimo—ba ba dutseng ba le teng, ba ba kgonang mo go lekaneng go feta go araba dipotso tsena go na le nna. Mme ke a rapela, Morena Modimo, gore O tlaa letla Mowa o o Boitshepo o tle ko go rona bosigong jono mme o re neye dilo tse di nepagetseng go di bua, tse di tlaa tlisang boipelo jo bo sa buiweng mme bo tletse kgalalelo ko dipelong tsa rona jaaka re dutse ga mmogo mo mafelong a selegodimo mo go Keresete Jesu, re ithutang Dikwalo re sena letlhotlho, re sena maikutlo ape a a bosula, fa e se fela go itse fela se e leng Boammaaruri le go obamela Boammaaruri. Go dumelele, Morena.

<sup>25</sup> Re tlaa kopa go segofatsa Modisa phuthego wa rona yo o rategang thata, Mokaulengwe Neville, yo o neng a ema ka bopelokgale fa maikarabelong a tiro ngwaga morago ga ngwaga go ralala mogote le botsididi go disa le go isa mafulong dinku tsa letsomane tse di kokoanang fano. Re rapela gore Mowa wa Gago o nne mo go ene, o mo thus. Mme segofatsa botlhe ba ba gokaganeng le motlaagana. Mme segautshwaneng, Morena, fa e le thato ya Gago, re solo fela motlaagana o o rategang, o motona o eme fano mo kgogometsong kwa re ka nnang le sekolo gone, gore re tle re rute badiredi ba banana mme re ba romele kwa dintlheng tsoo nnê tsa lefatshe go tlhabanelka tlhwaafalo tumelo e e kileng ya neelwa baitshepi.

<sup>26</sup> Morena, re a tsofala, ka bona, mme segautshwaneng ke tshwanetse ke fetisetse Baebele morago ka mo diatleng tsa mongwe o sele. Re thus, Morena, mo maitekong ana. Aruba dipotso tsa rona bosigong jono ka Mowa o o Boitshepo, jaaka

re tshepa mo go Ena, gonne re go kopa ka Leina la Jesu Morwa wa Gago. Amen.

<sup>27</sup> Jaanong, ke a itse go mogote mo go maswe, fela ga nke ka rata go tila potso go fitlhela ke akanya gore ke dirile fela ka tshwanelo fa pele ga Modimo go e araba. Jaanong, ga re na di le dintsi thata; ga ke ise ke di bale, ke fela di le mma—di le mmalwa thata. Fela go ka nna ga bo e le gore re ka nna ra se goroge kwa go tsone tsotlhе, fela re batla go dira fa go kgonega. Ke ile go kopa mosetsanyana yona mo go tse di pinki a ntseng fano... Tlaya kwano, Moratwi. Ke a dumela yoo ke mosetsanyana wa ga Mokaulengwe Beeler. Ke batla o tseye dipotso tsena golo koo mme fela o di tswakantshe, o itse se ke se rayang, fela go kgabaganya nngwe mo godimo ga e nngwe, jaana, lo a itse, jalo he—fong o di busetse ko go nna. Lo a bona? Gore ke se tle go tlhakanya dipotso tsa ga ope, lo a itse, ke akanya gore ke arabile fela e le nngwe, mme ke sa fitlha kwa go e nngwe; Nka se batle seo. Letla fela mosetsanyana a go tswakantshe fela ga mmogo, mme fong re tlaa tsaya fela tsone tse di gone go tswa mo godimo mme re di arabe jaaka re tla.

<sup>28</sup> Jaanong, fa go ka nna gore (ke a go leboga, Moratwi)—fa go ka diragala gore go nne le potso mo monaganong wa mongwe, ke batla go re, gore ke tlaa itumelela fa ke sena go araba potso ya gago mme go sa lebege go kgotsofatsa, fong o tsholetse fela diatla tsa gago e le o fetola. Gonне gape ke na le fano Segerika, Sehebere—tsoopedi Segerika le Sehebere mo thanolong ya kwa tshimologong, go bona kitso ya mafoko (lo a bona?), ka gore bangwe ba bona ba botsa mafoko—Sehebere le Segerika gape.

<sup>29</sup> Mme jaanong, Morena a re thuse jaaka re araba. Mme mpe ke go boleleng ka go itsheka... (A lo kgona go nkutlwа sentle ko morago, tsholetsang diatla tsa lona fa lo kgona. Moo go molemo.) Mpe ke boleleng ka go itsheka jaanong, gore mo go arabeng dipotso tsena, ga se ka ntlha ya kgethololo epe, fela mongwe le mongwe o gakologelwa gore mo motlaaganeng fa go tliwa mo thutong, re tshwanetse re e arabe go ya ka ditumelo tsa rona fano, eseng go ganetsa dikakanyo tsa gago, fela go—go tlisa ditumelo tsa rona. Mme nako tse dingwe re go kokotelela go gagametse tota. Jalo he gakologelwang, ke fela go go tlhomamisa ko baobameding.

**75.** Jaanong, ya ntlha mo godimo. Ao, ee, ena ke potso e nnye. Ga se potso, yone ke... Sentle, ke potso. **Ke mongwe yo o tlaa ratang potsolotso ya fa sephiring le nna mo go la ntlha la beke.**

<sup>30</sup> Jaanong, potsolotso eo, ke tlaa lo bolelela ka foo re dirang seo. Go ne go tlwaelegile gore re ne fela ka tsela epe re bone *yo re kgonang go mmona, yo e leng wa pele, sena, sele*, fela re na le tsamaiso mo go seo. Mme ke gone ka moo, go na le batho ba le bantsi ba ba tllang mo meleng ya thapelo, ba gongwe ba fetang mo

moleng o o bonako, kgotsa ba nne le mogopol o ba sa itseng se ba tshwanetseng go se dira ka ga gone, mme fong, ba batla go utlwa mo go Morena. Jaanong, ba na le tshwanelo e e itekanetseng mo go seo; seo ke se neo ena ya seporofeto e neng ya se neelwa, ke ya seo, boikaelelo joo bo le nosi.

<sup>31</sup> Mo Baebeleng fa ba ne ba batla go itse sepe, ba ne ba fologela ko baporofeting, mme ba ne ba rapela ba bo ba opela difela go fitlhela Modimo a ne a araba. Goreng, Ena ga se Modimo yo o tlaa jesang setlhophpha se le sengwe a bo a bolaisa setlhophpha se sengwe tlala go fitlha se swa. O tshwana maabane, gompieno, le ka bosaeng kae. Mme ke gone ka moo, seo ke se E leng ya sone.

<sup>32</sup> Mo dipotsoltsong tsena tsa fa sephiring, fa re tsaya kgang, ga ke nke ke e tlogela go fitlhela ke utlwa go tswa ko Modimong ka tsela nngwe kgotsa e nngwe. Di tla ka bonya. Fa go tsaya dikgwedi di le thataro kgotsa ngwaga, re nna gone le gone go fitlhela re nna le MORENA O BUA JAANA. Lo a bona? Mme ka moo, di tla ka bonya, mme go na le ba le dikete ba ba lets. Fela rona . . .

<sup>33</sup> Maloba ke ne ka nna le monna teng foo ka ntlha ya—ke a dumela go ne go tlaa nna dikgwedi morago ga dikgwedi monna yona o ne a senkile kolobetso ya Mowa o o Boitshepo, Mobaptisti. Fela ga re a ka ra mo tlhokomologa, re ne fela ra mo tlogela a tla, mme kgabagare ka lethogonolo la Modimo mo potsoltsong ya fa sephiring . . . Ne a tsamaela fela mo teng—o ne a tlhola a batla go bona ponatshegelo ya se e neng e le bothata—mme ponatshegelo e ne ya tlhagelela, mme o ne a amogela Mowa o o Boitshepo a dutse gone mo setilong sa gagwe.

<sup>34</sup> Fong mo—Mokhatholike, yo o sokologileng bošeng, a neng a fologa go tswa ko Chicago maloba mo go nnileng go le mo dipotsoltsong tsa fa sephiring—a neng a leka go tsena—mo go ka nnang dingwaga di le pedi; fela mo potsoltsong ya gagwe ya ntlha, metsotso e le lesome le botlhano mo kamoreng, Morena ne a supegetsa ponatshegelo, lebaka le tsotlhe, a senola selo sotlhe, se a neng a tshwanetse go se dira pele ga a ne a amogela Mowa o o Boitshepo. Lo a bona, seo ke se e leng ya sone.

<sup>35</sup> Jaanong, fa ope ka nako epe . . . Fa megal a e tsena mme ba batla go bona kgotsa go nna le dipotsolotso tseo, fa ba tlaa leletsa, BUTler 2-1519, kantoro e ka go romela molaetsa gore ke fela totatota leng fa potsolotso e ka nnang teng. [Nomore ya mogala e fetotswe—Mor.] Mme fong, wena o bolele se potsolotso ya gago e leng sone, gore ba tle ba itse gore ke nako e le kae gore ba e abele. Fong moo go go dira fela, mme motho mongwe le mongwe . . . Fong fa bontsi joo jwa nako bo sa kgotsofats, fong re boela mo tiragalang eo gape. Go kwadiwa gone mo kgatisong, mme re go bay a go fitlhela re utlwa go tswa ko go Modimo ka ponatshegelo kgotsa tsela nngwe e Modimo a buang ka yone. Jalo he ke ka fa dipotsolotso tsa rona di tsamaisiwang ka gone.

<sup>36</sup> Ke gone ka moo, lo a bona, fa ke tswile, batho ba akanya gore nako tse dingwe, “Mokaulengwe Branham, ga o bone batho mo go lekaneng.” O ka se kgone go bona batho mme wa nna le Modimo ka nako e e tshwanang. Lo a bona? Ke na le mongwe mo mogopolong, mme nna ke—nna ke mo logageng kgotsa golo gongwe go sele ke rapela, mme—mme . . .

<sup>37</sup> Ke batla go bona se sena se se buang. “Mo malatsing a le mmalwa . . . ne a tsogile mme a le kwa ntle . . . ena . . .” O reng? [Mokaulengwe o bua le Mokaulengwe Branham—Mor.] Ao, ee. Ao, ee, ee yona e ne e le monna (Gene o fetsa go e baya fa godimo fano) gore . . . Monna o ne a fologa go tswa Chicago maloba, yo ngaka e neng e batla go sega e ntshe pelo ya gagwe, mme a e sege a e bule go bona se e neng e le bothata ka fa teng. Mme Mowa o o Boitshepo o ne wa senola fela totatota se bo neng bo le sone, mme o ne a se tlhoke go segwa a bulwe; o ne a fodisiwa. Jalo he lo a bona, moo go raya mo gontsi. Mme go le supegetsa ka fa go tlang ka bonya ka gone, ke ne ka letela karabo ka bona go tswa go Modimo, ka ntlha ya ponatshegelo, ka dingwaga di le lesome le bothlano. Modimo . . . Mme fong yo mongwe a tle mme ga a tle go tshwanela go leta metsotso e le meraro. Lo a bona? Gone fela . . . Modimo o araba mo nakong e e leng ya Gagwe. Ga re Go laole, Go a re laola.

**76. Jaanong, potso ya bobedi e e ntseng mo godimo ke . . .  
Mokaulengwe Bill, a Morena a ka dira tiro e e bonatla ka  
nna mo phuthegong kwa ba sa dumeleng mo dineong tsa  
semowa?**

<sup>38</sup> Ga go leina lepe mo go yone, fela motho yo o batla go itse fa Morena a ka kgona go bereka le bone jaaka ba tshwaetswe semmuso go direla mo phuthegong e e sa dumeleng mo dineong tsa semowa. Ke go belaela thata.

<sup>39</sup> Ke mo pelaelong thata, tsala e e rategang, gore Morena a a ka kgona go dira ka natla ka wena, ka gore o golagantswe mo gare ga badumologi, mme Baebele ne ya re, “Se ikgolaganyeng le badumologi, fela tswayang mo gare ga bona, mme lo lomologaneng, go bua Morena, fong Ke tlaa lo amogela.” Ke a dumela fa o nna mo motsemogolong, kwa go nang le kereke e e dumelang mo ditshupong le dineong tsa semowa, mme o na le dilo tseo tse di dirang mo go wena, ke ne ke tlaa ya ko kerekeng eo kwa ba neng ba go dumela.

<sup>40</sup> Mme fong ke ka nna ka bua selo se sengwe, jaaka nna ke ne—ka gale ke neela—batla go neela Lekwalo. Wena kooteng, tsala e e rategang thata, o lekile jone bojotlhe jwa gago go leka go dira gore batho bana ba dumele, o lekile go ba dira gore ba dumele, mme bona go le motlhoho ga ba tle go go dira, motlhaope. Fong ke ile go go naya Lekwalo le ke dumelang gore Morena Jesu o tlaa itumediswa ke rona re le neela.

<sup>41</sup> Fa o lekile, fa o buile le modisa phuthego, fa o buile le bangwe ba ba farologaneng mme bona ba go itlhokomolosa gotlhelele mme ba sa go dumele, se Jesu a se buileng mo go Matheo 7:6 ka ga se se jalo ke sena.

*Lo sekə lwa naya dintša se se itshepileng, le gone  
lo sekə lwa latlhela...diperela tsa lona fa pele ga  
dikolobe, e sere tsone tsa di gataka ka ditlhako, mme  
tsa menoga...tsa bo di lo gagolaka.*

<sup>42</sup> Jalo he ga ke dumele gore ke tlaa ikopanya go nna leloko le phuthego e e neng e sa dumele mo Efangeding e e tletseng ya ga Morena Jesu Keresete, go dumela gore O ne a tshwana maabane, gompieno, le ka bosaeng kae. Fa ke nna mo phuthegong mme ke Mmona a bereka ebole a dira fela jaaka A rile O tlaa dira, ke a dumela ke tlaa ikutlwā totatota jaaka—ke siamisitswe ka go bolelela batho gore ba tswe mo gare ga ba ba ntseng jalo mme o go ipatlele ke—kereke e e molemo e e rerang Dikwalo tsotlhē mme e Di dumela.

## 77. Jaanong, potso e e latelang ke: **A ke boammaaruri gore ga o a bolokesega ntenglē le fa o amogetse Mowa o o Boitshepo?**

<sup>43</sup> Go ka tsaya go ka nna puisano ya dioura di le tlhano tse di tletseng mo go eo. Fa o amogela Keresete e le Mmoloki wa gago mme o ipaakanyeditse kolobetso ka nako eo mo metsing, ga o ise o sokologe ka nako e; o dumela fela *go ya ko boikotlhaong. Tshokologo* e raya “go fetolwa.”

<sup>44</sup> Jaanong, go dira gore mona go dire ka natla, Jesu ne a bolelela Petoro yo gape a neng a Mo latela dingwaga di le tharo le halofo... Mme mo Bukeng ya ga Matheo kgaolo ya bo 10 Jesu ne a naya Petoro thata kgatlhanong le mewa e e itshekologileng, go tswela ntle mme a e kgoromeletse ntle, go fodisa balwetsi, le go rera Efangedi. O ne a na le thata ya go dira sena. Mme mo go Moitshepi Johane 17:17 Jesu ne a itshepisa Petoro ka Boammaaruri, ne a re Lefoko e ne e le Boammaaruri, mme Ena o ne a le Lefoko. Mme fong kwa—pele ga Pentekoste O ne a re. “Morago ga o sena go sokologa, fong o nonotshe bakaulengwe ba gago.” O tsaya fela dikgato go ya tshokologong jaaka o dumela ebile o diragatsa.

<sup>45</sup> Jaanong, ke a itse ba le bantsi ba lona, ditsala tsa me tsa Mabaptisti le Mapresbitheriene, lo ganelana le seo, ka gore lo boela ko Lokwalong lena... Jaanong, fano ke fa ke reng ke tshwanetse ke go tlhalose ka botswerere. Lo a bona? Wena boela ko Lokwalong: Aborahame (Baroma 4) *ne a dumela Modimo*, mme o ne a go *balelwā* kgotsa ne a go *abelwā* e le tshiamo. Aborahame *ne a dumela Modimo*, mme Modimo ne a go mmalela e le tshiamo mo thaegong ya tumelo ya gagwe ya go dumela. Fela go netefaletsa Aborahame, O ne a mo naya (palelo, gore o ne a balelwā a tlogile ma maleong a gagwe, ka nako eo O ne a— a mmalela gore o tlogile mo maleong a gagwe), ka gore o ne a

dumetse, O ne a mo naya sesupo. Mme foo ke kwa lona, ditsala tsa me tse di rategang tsa Mapresbitheriene le Mabaptisti, lo palelwang ke go go bona. Lo a bona? O ne a mo naya sekano sa thupiso gore ke mosupi, e le netefatso, gore O ne a amogetse tumelo ya gagwe mo go Ena. Mme leo ke lebaka le Paulo mo go Ditiro 19 a neng a bolelela bakaulengwe bao ba Mabaptisti a re, ba ba neng ba na le Apolose e le modisa phuthego wa bona, ba dumela Efangedi jaaka Johane a ne a E rerile, "A lo amogetse Mowa o o Boitshepo esale lo dumetse?" Lo a bona, ba ne ba dumetse fela ba ne ba ise ba sokologe ka nako e.

<sup>46</sup> Jaanong, re tsaya se se phoso—mo lefokong la *tshokologo gompieno*. Re bua gore motho yo o sokologileng ke motho yo o emisitseng go nwa nnotagi le sengwe le sengwe mme a ya kerekeng, kgotsa i pataganya le kereke. A ka nna a ipataganya le kereke, fela moo ga se tshupo gore ena o sokologile. Ga a a sokologa go fitlhela botshelo jwa gagwe jwa kgale bo sule, mme a fitlhilwe mo go Keresete, mme a tsogile le Ene mo tsogong ya boša jwa botshelo, nako e Mowa o o Boitshepo o neng o tlhola mo go ene tsholofelo e e tshelang ya Botshelo jo Bosakhutleng e e tlang fela ka Mowa o o Boitshepo. Lo a bona?

<sup>47</sup> Jaanong, jaanong, ke ne ke itse Lekwalo le legolo leo, ke a Le dirisa ka bona—ke na Nalo le kwadilwe fano—Moitshepi Johane kgaolo ya bo 5, temana ya bo 24. Ke Lekwalo le e leng seratwa mo go nna. Gonno Jesu ne a bua sena: "Ammaaruri, ammaaruri, Ke lo raya ke re, 'Yo o dumelang mo go Nna o na le Botshelo jo Bosakhutleng.'" Mpe ke go baleng, gore ke tle ke Le bue fela ka boitekanelo sentle. Moitshepi Johane 5, mme ke batla lo reetseng ka tlhoafalo jaanong fa re ya ka mo Lokwalong lena, 5 le temana ya bo 24.

*Ammaaruri, ammaaruri, Ke lo raya ke re, Ena yo o utlwang mafoko a me, mme a dumela mo go ena yo o nthometseng, o na le botshelo jo bosakhutleng, mme ga a ketla a tla mo tshekisong; fela o fetile losong go ya botshelong.*

<sup>48</sup> "Ena yo o dumelang mo go Nna." Jaanong, Lekwalo la re ga go motho ope yo o ka buang gore Jesu ke Keresete ke fela ka Mowa o o Boitshepo. Jalo he o ka se kgone go dumela gore Jesu ke Keresete go fitlhela o amogetse kolobetso ya Mowa o o Boitshepo. O paka kgotsa go bua fela se Lekwalo le se buang, o bua se modisa phuthego a se buang, o bua se mma a se buang, kgotsa moreri mongwe yo o molemo a se buang. Fela ga o go itse ka bowena go fitlhela A go paketse tsogo ya Gagwe. Ga go motho yo o ka bitsang Jesu gore ke Keresete go fitlheleng e le ka Mowa o o Boitshepo.

<sup>49</sup> Ke gone ka moo, potso e leng gore, gore motho o bolokesegile, ke a dumela, fa a lebile ntlheng ya Golegotha, mme a swela mo seemong seo. Go tlhomame, ke a dumela o tlaa bolokesega; ke a

dumela o tlaa ralala fa a ne a sena tšhono pele. Fela go ikaega mo... O boela ko legodung le le swang kwa sefapaanong. Fela gakologelwa, moo e ne e le sebaka sa gagwe sa ntlha le sa bofelo. O na le e le lnngwe bosigong jono. O sekwa leta go fitlhela nakong eo, ka gore go ka mna ga se nne ka tsela eo le wena. O ka nna wa se nne le boipobolo jwa dioura tsa bofelo tsa botshelo. Ke a lo bolelela, tsone di siame, fela tsone ke tšhono e ntsi thata go ka lekeletsa mo go tsone. O sekwa letela dioura tsa bofelo tsa botshelo; o letle gore mona e nne dioura tsa gago tsa bofelo tsa botshelo gone jaanong, gore wena o swe jaanong mme o tsalwe seša ke Mowa o o Boitshepo.

Jaanong, mo potsong ena e e latelang... Jaanong, fa go na le potso ka ga seo tsholetsa fela seatla sa gago. Ke tlaa itumelela go dira bojotlhe jo nna nka bo kgonang.

**78. A o ka fitlhela gope kwa baapostolo ba neng ba ja Selalelo morago ga Pentekoste? A Paulo o ne a raya gore batho ga ba lemoge Lefoko? Mowa o o Boitshepo e ne e le tsela e le nosi ya go obamela Modimo? Fa o tsaya moweine le dipapetlana tsa senkgwe, bolwetse le thulamelo di a go wela?**

<sup>50</sup> Jaanong, fano gongwe ke lefelo le ke dumelang gore motho yo o rategang yo o boditseng sena ga go pelaelo ena ke ka go tsenelela le bopeloephepa mo go sena, se ba se botsang, kgotsa ba ne ba sa tle go se botsa. Mme nna—Mokaulengwe wa me kgotsa Kgaitsadi, le fa e le mang yo e neng e le ene, ke e araba fela mo go tseneletseng ebole ke le peloephepa jaaka o e arabile—kgotsa o e boditse.

<sup>51</sup> Ke batla lona jaanong lo buleng le nna ko Bukeng ya Ditiro kgaolo ya bo 2, mme le te—re simolola ka temana ya bo 42. Kgaolo ya bo 2 ya Ditiro, mme re tlaa simolola, jaaka ke buile, ka temana ya bo 42.

<sup>52</sup> Jaanong gakologelwang, ga ke dumele gore nka bua fela totatota kwa Lekwalo le reng gore Paulo ne a ja Selalelo, mme Petoro ne a tloga a otlollela kong a bo a se ja; fela fa ba bua ka ga phuthego, moo e ne e le ka e e feletseng, mongwe le mongwe. Mme ga ke dumele gore Paulo o tlaa rera sengwe a bo a bolelela ba bangwe go se dira, se ena a neng a sa tle go se dira. Jalo he mo go Ditiro re fitlhela sena:

*Mme bone ka malatsi otlhe ba ne ba tswelela ba nitame mo thutong ya baapostolo...kabalanong,...*  
*(Elang tlhoko! Ba ne ba tswelela ka metlha, kereke e e feletseng, mmele.)...ka malatsi otlhe ba nitame mo thutong ya baapostolo le mo kabalanong,...(le, lekopanyi foo. Lo a bona?)...le mo go robaganyeng senkgwe,...(Moo ke Selalelo). . . .le mo dithapelong.*

<sup>53</sup> Baapostolo, ba ba neng ba le bareri... Ba ne ba tswelela ka metlha ba nitame mo thutong ya bone, ya go robaganya senkgwe (Selalelo), le mo kabalanong, le mo thapelong. Fong, fa moo go

kgaola Selalelo mo baapostolong, gone gape go kgaola thapelo mo baapostolong. Lo a bona? Jaanong, mpe fela re tsweleleng re bala. Lo a bona?

*Mme poifo e ne ya tla mo moweng mongwe le mongwe wa botho: mme dikgakgamatsotso di le dintsitso le ditshupo di ne tsa dirwa ke baapostolo.*

*Mme badumedi bothle ba ne ba le mmogo, mme ba ne ba na le dilo tsotlhе di tlhakanetswe;*

*Mme ba ne ba rekisa dithuo tsa bone le dithoto, mme ba di kgaoganyetsa motho mongwe le mongwe, jaaka mongwe le mongwe a ne a na le lethloko.*

*Mme bone, ba tswelela ka malatsi otlhe ka bongwefela jwa pelo mo tempeleng,...(Moo ke baapostolo le bothle.) ...ba robaganya senkgwe... (Selalelo nako nngwe le nngwe fa ba ne ba kopana)...*

<sup>54</sup> Moo e ne e le thuto ya baapostolo le ya kereke ya pele, gore nako nngwe le nngwe fa ba ne ba kopana ga mmogo ba ne ba ja Selalelo. Nako nngwe le nngwe! Jaanong, ke a itse lona batho ba Bakeresete ba lo yang ko Christian Church (kereke ya Makhambelaete, jaaka re e itse, jaaka...) Ka gore go na le di le pedi tsa bone, e le nngwe ke Church of Christ, mme e nngwe ke Campbellite Church.), lwa re, "Re se ja mosong mongwe le mongwe wa Sontaga. Re na le Dikwalo ka ga gone." Le na le Lekwalo le le botoka ka ga gone go na le jaaka Motlaagana wa Branham o dira. Motlaagana wa Branham o se ja gangwe ka kgwedi. Fela Lekwalo ke gore, kgapetsakgapetsa fa lo tla ga mmogo. Go jalo. Moo ke nako nngwe le nngwe.

*Mme bone, ba ne ba tswelela ka malatsi otlhe ka bongwefela jwa pelo mo tempeleng,...ba robaganya senkgwe go tswa ntlong go ya ntlong, ba ne ba ja ditso tsa bona ka boitumelo le bongwefela jwa pelo,*

<sup>55</sup> Lo a bona, nako nngwe le nngwe fa baapostolo, ba tshwere ditlhophha tsena tsa thapelo, dikopano mo tempeleng, ntlo le ntlo; nako nngwe le nngwe fa ba kopana, ba ne ba robaganya senkgwe, ba ja Selalelo.

<sup>56</sup> Jaanong, Paulo, mo go Bakorinthe wa Ntlha re tlaa—re ka kgona gape go bala kgaolo ya bo 11, kwa re dirisang fano go nna Selalelo... Ke ka nna ka e bala gore e tle e kgone go le thusa, Bakorinthe wa Ntlha kgaolo ya bo 11. Reetsang Paulo a bua jaanong, temana ya bo 23.

*Gonne ke amogetse go tswa go Morena seo se le nna ke se lo neetseng, Gore Morena Jesu bosigong jone jo... a neng a okiwa ne a tsaya senkgwe:*

*Mme erile A sena go leboga, o ne a se nathoganya, mme a re, Tsayang, mme lo je: ona ke mmele wa me, o o robetsweng lona: dirang sena go nkgopola.*

*Ka mokgwa o o tshwanang gape o ne a tsaya senwelo, mme erile a sena go ja selalelo, a re,...(senwelo jaanong)...Mona ke senwelo sa kgolagano e ntšhwa mo mading a me: dirang sena..., ka gale fa lo se nwa, go nkogopola ka sone.*

*Gonne kgapetsakgapetsa fa lo ja senkgwe sena, ebile lo nwa senwelo sena, lo supetsa loso lwa Morena go fitlhela a tla.*

<sup>57</sup> Lo a bona? Ke Selalelo. Ke a lemoga mme ke a dumalana gore mme—mmele wa Morena, Lefoko le le tshelang, ke Keresete ka Sebele. Fela tsena ke dikao fela jaaka Kolobetso, le Tlhapiso dinao, le ditao tse dingwe tsa Kereke. Fela Selalelo go sena pelaelo se botlhokwa mo senkgweng, jaanong, senkgweng le moweineng.

*Ka moo le fa e ka nna mang yo o tla jang senkgwe sena, a bo a nwa senwelo sena sa Morena, a sa tshwanelwe,...*

<sup>58</sup> Jaanong, potso e ne ya botswa fano: “Wena fa o ja—wena fa o ja moweine le dipapetlana tsa senkgwe, bolwetse le thulamelo mo go wena.” Lo a bona, gore... Ke dumela gore potso ke, gore kobamelo e le nosi e e leng teng, e mo Moweng o o Boitshepo, go obamela mo Moweng o o Boitshepo. Moo ke Boammaaruri totatota. O tshwanetse o obamele... Kobamelo yotlhe e mo Moweng o o Boitshepo, mme Paulo o leka go bua fano, gore o tshwanetse o nne mo Moweng o o Boitshepo pele ga o dira sena kgotsa wena o ja ebile o inwela tshekiso (lo a bona?)—pele ga o dira sena, pele ga tolamo e diragadiwa.

<sup>59</sup> Jaanong, go ema seo nokeng, ke na le mokwalo fano wa ga Josefase, kwa a neng a bua gore Bakeresete ba pele morago ga loso la ga—la ga Jesu, gore ba ne ba kaiwa gore ke bo majabatho, ka gore ba ne ba tsaya mmele wa Morena mme ba o ja. Mme ba ne ba akantse gore ba ne ba o epolotse, mme ba ne ba o ntshitse, mme ba ne ba o sega go nna ditokitoki, ba bo ba o ja. Mo eleng gore ba ne ba ja Selalelo. Lo a bona?

Jaanong, elang tlhoko, goreng Lokwalo le—ka fa Paulo a buang fano.

*Fela a motho a itlhathlhebe, mme jalo he ena a je senkgwe,...*

<sup>60</sup> Jang senkgwe. Jaanong, ke a itse Jesu ke Senkgwe sa Botshelo; moo ke nnete. Fela mona ke letshwao fela jaaka kolobetso. Kolobetso ga e go boloke; kolobetso ke fela sesupo gore wena o pakela phuthego gore o dumela mo losong, phitlhong, le tsogong ya ga Jesu Keresete. Ga e go boloke. Metsi ga a na go go boloka. Ke tumelo ya gago e e go bolokang. Fela kolobetso ke tsamaiso, mme e tshwanetse e diragatswe, ka gore Modimo ga a kake a re o kolobetswe, mme a tloge a retologe a bo a re ga go tlhoke gore go diriwe. A ka se kgone go simolodisa go jewa ga Selalelo, mme a retologe, a bo a re ga go na letlhoko

la go se ja. O tshwanetse o go dire. Ke tolamo ka metlha mo go Modimo.

*Gonne ena yo o jang ebile a nwang a sa tshwanelwe, o ijela ebile o inwela tshekiso, a sa lemoge mmele wa Morena.*

<sup>61</sup> Jaanong, lo a bona foo? Go boela gone ko Mokereseteng yo o lekang go ja Selalelo, yo o seng mo go Keresete, a sa abalaneng ka Mowa; ga a tshwanelwe ke go go ja. Mme fan ena a ja Selalelo sena, o ijela le go inwela tshekiso, fa a tswela ntle a goga, a aka, a utswa, a dira boaka, kgotsa sengwe se se jalo, kgotsa a sa tshele botshelo jwa Bokeresete. Mme batho ba bona mohuta wa botshelo jo a bo tshelang, mme a tloge a tsene, a tseye taolo ena ya loso le—le mmele wa ga Keresete, a tsenya ka mo go ena letshwao gore—gore o amogetse Keresete Lefoko mo pelong ya gagwe, mme a tseye sekao sena teng moo fa morago ga gone, O ne a re o ijela ebile o inwela tshekiso, ka a sa lemoge mmele wa Morena.

<sup>62</sup> Jaanong, fela mo metsotsong e le mmalwa ke ile go goroga kwa potsong e e tshwanang eo, fa re goroga kwa go yone, ka gore ke tolamo e e tshwanang ya tlhapatso ya Mowa o o Boitshepo. Lo a bona? Ka gore wena o bolela sengwe, mme o diragatsa karolo ya moitimokanyi ka gone, fa o sa tshwanelwa o ka bo o go dira. Go siame! Mpe ke fetseng ena ka nako eo, lo a bona, mme fong re tlaa emisa.

*Ka ntlha ya lebaka le ba le bantsi ba a lwala ebile ba bokoa mo gare ga lona, mme ba le bantsi ba robetse.*

*Gonne fa re tlaa ikatlhola, ga re a tshwanelwa go atlholwa.*

*Fela fa re atlholwa, rona re otlhaiwa ke Morena, gore re se tle go sekisiwa le lefatshe.*

*Ke gone ka moo, bakaulengwe ba me, fa lo tla ga mmogo go ja, lo letane. (Jaanong, elang tlhoko.)*

*Mme fa motho ope a ja... motho ope a tshwerwe ke tlala, . . .*

<sup>63</sup> Lo seka lwa tla mo teng... ka gore mo Lokwalong le lengwe fano, ba ne ba tlisa nama, le seno se se kalo, le dilwana tse di jalo, go fitlhela ba ne ba dira ntlo ya Morena fela le—lefelo la—la moletlo, mme ba tagwa fa lomating lwa Morena. Lo gakologelwa seo mo Bukeng ya Bakorinthe fano. Ba ne ba tagiwa fa lomating lwa Morena. Fela Paulo ne a bua fano:

*...fa motho ope a tshwerwe ke tlala, a ena a je kwa gae; gore lo se ka lwa tla mo tshekisong ga mmogo. Mme tse dingwe ke tlaa di tsenya mo tolamong mogang ke tlang. (Lo a bona?)*

<sup>64</sup> Jaanong ke gone ka moo, ke dumelang gore go ja papetlana ya senkgwe...Jaanong, ga ke dumele gore senkgwe se se

faphegileng seo se tshwanetswe se emisetswe ka papetlana ya senkgwe. Ke dumela gore e tshwanetse e nne senkgwe se se boitshepo se se sa bedisiwang, mohuta wa senkgwe se se sa bedisiwang se se neng se dirwa ko Egepeto. Mme ke dumela gore Madi ga a a tshwanela go nna matute a morara, fela e tshwanetse e nne moweine. Matute a moraar a a tšarafala, ebole a a senyega jaaka a nna a kgale. Fela moweine o nna botoka ebole o loya go feta jaaka o nna wa kgale; ga o ke o latlhegelwa ke nonofo. Mme Madi a ga Keresete ga a tšarologe le go senyega; ka jaaka one a nna a kgale, a loella go feta ebole a nna botoka jaaka malatsi a tswelela a feta mo modumeding. Mme sone ke moweine totatota le senkgwe. Senkgwe sa selalelo se tshwanetswe se diriwe ke batho ba ba ineetseng ebole ba itshwaetse kwa go Modimo.

<sup>65</sup> Ke ne ka ya kwa kerekeng gangwe kwa ba neng ba tsaya lofo ena ya kgale ya senkgwe, go le kwa baleofi ba tlaphatsang ebole ba tswelelang, le matladika, mme ba segelela senkgwe seo sa kgale ba bo ba se baya golo foo ka mohuta mongwe wa matute gore ba nwe. Mo go nna moo e ne e le—moo go ne go le lesotlo. Ke dumela gore go tshwanetse go nne fela totatota ka tsela e Lokwalo le rileng go tshwanetse go nne ka yone; go se fapoge tlhaka e le nngwe go tswa mo Dikwalong, go nne gone le Lone.

**79. Potso. Jaanong! Mokaulengwe Branham, a ke nnete gore Satane o kile a bo a le ko Legodimong mme o ne a lelekelwa kwa ntle, ene le baengele ba gagwe ba ne ba fologela mo lefatsheng, kgotsa a ke ponatshegelo jaaka Johane a ne a bone mo Setlhakeng sa Patemose? Goreng ke botsa sena, ke, ke ne ka bolelwa gore e ne e le ponatshegelo.**

<sup>66</sup> Johane o ne a go bona e le ponatshegelo, fela e ne e le tiragalo totatota jaaka go buiwa. Fa lo tlaa bula ko go Isaia 14:12. Jaanong, tsena di tsamaya ka bonya, fela mo go nna, tsone ke-tsone ke dithuto. Mme ke sengwe se se... Gongwe o a akanya, “Sentle, ga ke na letlhoko la seo jaanong.” Wena fela ga o itse ka fa Mowa o o Boitshepo oo o jang mo Lefokong la Modimo. O tshwanetse o nne le Lefoko go—go ja mo go lone, ka gore Mowa o o Boitshepo o ja fela, ebole fela mo Lefokong la Modimo. Lo dumela seo? Baebele ne ya rialo. “Motho ga a kake a tshela ka senkgwe se le sosi, fa e se ka Lefoko lengwe le lengwe le le tswang mo molomong wa Modimo.” Go siame! Kgaolo ya bo 14 ya ga Isaia, mme ke a dumela fano jaanong re ile go simolola fa temaneng ya bo 12. A re baleng jaanong ka ga Lusifa.

*O wa jang ko legodimong, Wena Lusifa, . . . (A ole ko Legodimong) . . . morwa phepfalalo ya moso! . . . (Setshedi sa baengele go tswa Legodimong.)*

*O wele jang ko legodimong, Wena Lusifa, morwa phepfalalo ya moso! o remetswe jang faatshe, wena yo o kileng wa tsamaya—koafatsa ditšhaba!*

*Gonne wena o rile mo pelong ya gago, ke tlaa tthatlogela ko legodimong, mme ke tlaa goleletsa sedulo sa me sa bogosi kwa godimo ga dinaledi tsa Modimo: Ke tlaa dula gape mo thabeng ya phuthego, mo letlhakoreng la bokone:*

*Ke tlaa tthatlogela kwa godimo ga bogodimodimo jwa maru; ke tlaa nna jaaka Mogodimodimo.*

<sup>67</sup> Jalo he lo a bona e ne e se ponatshegelo. Go sena pelaelo epe, Lusifa o ne a kgoromeletswa ntle ga Legodimo.

<sup>68</sup> Jaanong, a re buleng ko Kgalaganong e Ntshwa ko go Luka 10:18, motsotsotso fela, mme re boneng se Jesu a se buileng. Mo Bukeng ya ga Luka, lo nne le Dibaebele tsa lona jaanong, ba lo lekang go tsena mo dipotsong tsena, Luka 10:18:

*Mme a ba raya a re, . . . (Jesu a bua.) . . . Ke bone Satane a wa jaaka legadima ko legodimong.*

<sup>69</sup> Lo a bona, Satane o ne a le moengele yo mogolo wa kwa tshimologong wa Modimo. O kile a bo a ne a nna ko Legodimong. O kile a ne a le motho yo mogolo go gaisa mo magodimong kwa ntle ga Modimo. O ne a le mothusi yo mogolo wa Modimo mo kabalanong, mme o ne a ikogogomosa mo pelong ya gagwe.

<sup>70</sup> Mme a moo ga se fela tsela e batho ba nnang ka yone gompieno? Mpe Modimo a segofatse fela mogoma mme a tsenye tsheponyana mo go ene, mme o simolola go nna maitsegotlhé. O simolola go nna . . . O tshwanetse a simolole lekgotla, kgotsa o tshwanetse a dire sengwe se se farologaneng. “Goreng o ole go tswa Legodimong, Wena Lusifa!”

<sup>71</sup> Gone ke . . . Modimo o na le nako e e bokete a leka go tsaya mongwe yo A ka dirisanang nae, yo o tlaa nnang a ikokobeditse, ebole a le pelonolo, mme a nne mo lefelong go fitlhela Modimo a mmiletsha go dira sengwe (lo dumela seo? Lo a bona?), motho yo Modimo a ka mo segofatsang mme a tlaa santse a itshola e le motho, a sa nne moengele kgotsa modimo. Ka bonako fa motho a sena go segofala ebole a na le sengwenyana se a se mo neileng, o batla go fetoga a nne modimo; o batla go fetoga a nne mo—moengele. O batla go fetoga a nne motho mongwe yo mogolo. “Se ke se dirang, se . . . Nna le nna le tsa me . . .” gotlhé moo. Moo ke boitsholo jo bo phoso. Modimo o tsoma mongwe yo A ka mo segofatsang a bo a tshela ditshegofatso, mme—mme fa A ntse a mo segofatsa, motho yo o tlaa fetoga a nne mmotlana go feta.

<sup>72</sup> Mme ga o kitla o amogela mo gontsi ga Modimo go fitlhela o fetoga go nna esemang. O tshwanetse o inyenyefatse. Ena yo o tlaa ikgodisang, Modimo o tlaa mo kgobalatsa. Ena yo o tlaa ikokobetsang, Modimo o tlaa mo godisa. O tshwanetse o nne mmotlana pele ga o ka nna mogolo. Mme ga o kitla o nna motona ka bowena; o tlaa nna motona fela jaaka Modimo a tlaa nna motona mo go wena. Lo a bona?

<sup>73</sup> Jalo he Lusifa o mo lefatsheng gompieno a leka go bereka mo kerekeng go diragatsa boikaelelo jo bo tshwanang jo a bo simolotseng pele ga motheo wa lefatshe. Lusifa ne a kojwa ko Legodimong. Go siame.

<sup>74</sup> Ke a dumela go na le selo se sengwe teng fano, Esekiele kgaolo ya bo 28, temana ya bo 12. A re boneng se eo e se buang mo go Esekiele 28:12. Mme ke tlhomamisa gore ka go ithuta sena, le go leba mo go sone, go bona se e leng MORENA O BUA JAANA, fong re a itse a kana ena ka mmannete o ole ko Legodimong kgotsa a kana o ne a le ponatshegelo fela—28 le 12. Go siame. Ke a dumela ke se ke se kwadileng, 28:12. Go siame. Fano re a simolola.

Jaanong, sena ke selo se segolo fano; ke eletsa re ka bo fela re na le nako ya go rera ka ga fela mo go nnye (lo a bona?), gonne ka nnete ke sengwe.

<sup>75</sup> Jaanong, jaaka ke ne ke tshwanetse fela go thaya sena, gore Lusifa ko Legodimong ne a leka go ikgodisetsa kwa godimo mme ebile a nne fela yo o kwa godingwana go feta go na le Mookamedi wa gagwe. Mme o ne a oka Mikaele, a bo a itirela bogosi jo bogolo ko bokone, a bo a fologa. Jaanong, mme ena le baengele ba gagwe ba ne ba kgoromeletswa ntle.

Motho yo o boditseng ka Tshenolo . . . Moo go mo go Tshenolo 12, mo Setlhakeng sa Patemose.

Fela jaanong lemogang sena fano, fa temaneng ya bo 12, mme lo eleng tlhoko ka fa a ntseng ka gone mo bogosing jwa motho.

<sup>76</sup> Ke batho ba le kae fano ba ba tlhaloganyang gore diabolo o laola setshaba sengwe le sengwe fa tlase ga Legodimo? Diabolo o laola United States. Diabolo ke goromente ya United States. Diabolo ke goromente ya Jeremane. Ena ke goromente ya setshaba sengwe le sengwe fa tlase ga magodimo. Diabolo o laola setshaba sengwe le sengwe, Baebele ya re o a dira. Balang Matheo kgaolo ya bo 4. Erile Satane a isa Jesu ko godimo ga thaba, mme a Mmontsha magosi a lefatshe, mme a bua gore one ke a gagwe, mme a re, “Ke tlaa go naya one fa o tlaa nkobamela,” Jesu ga a ise a re, “O akile, Satane.” O ne a itse gore e ne e le a gagwe. Fela ka kwa ko Bukeng ya Tshenolo, ne a re, “Ipeleng, lona magodimo le lona lefatshe, gonne magosi a lefatshe lena a fetogile magosi a Morena wa rona le a ga Keresete wa Gagwe. Mme O tla busa mo lefatsheng.”

<sup>77</sup> Jesu o ne a itse gore mo Mileniamong gore dipuso tsotlhe le magosi di tlaa thujiwa, mme O tlaa bo a le Modimo le Mmusi mo godimo ga one otlhe. O ne a itse gore O ne a fetoga go nna mojaboswa wa gone gotlhe, jalo he ke gone ka moo, A neng a bolelela Satane, “Tloga fa morago ga Me, Satane!” gonne O ne a itse se A neng a tshwanetse go se dira.

Jaanong, reetsang sena, Mowa wa Morena mo moporofeting yona Esekiele, a bua, eseng le kgosi ena, fela le mowa ka mo kgosing. Elang sena tlhoko jaanong.

<sup>78</sup> Lo a gakologelwa mosong ono fa ke ne ke lo supegetsa mo Dikwalong ka fa e leng gore kereke e ne ya fapogela mo tseleng e phoso ka go tsaya makgotla a motho. Selo se se tshwanang, Iseraele e ne ya fapoga mo tseleng ka go gana Modimo e le Kgosi ya bone mme e ne e batla Saule go nna kgosi. Mme erile Kgosi ya bone ya mmatota e ne e tla, Jesu, ba ne ba se Mo itse, ka gore ya Gagwe—thero ya Gagwe le thuto ya Gagwe di ne di farologane thata le dikgosi tsa mo lefatsheng, go fitlhela ba ne ba sa Mo itse. Mme gompieno, fa Kgosi ya Kereke, Mowa o o Boitshepo, fa A le fano, mme A tla ka mo Kerekeng go dira gore batho ba ntšhafadiwe, go ba naya tsalo seša, go farologane thata le makgotla ana le makoko go fitlhela ba re, “Aw, moo go lebega jaaka dibidikami tse di boitshepo mo go nna.” Lo a bona?

<sup>79</sup> Ga se se Go lebegang jaaka sone mo go wena, ke se Lefoko la Modimo le se buang ka ga sone. Lebang mo letsatsing la Pentekoste, moo go ne go tlaa lebega jaaka eng? Lebang kwa dinakong tse dingwe fa ba ne ba amogela Mowa o o Boitshepo; go ne go lebega jaaka eng? Basadi le banna, kgarebane Marea, le bone botlhe, ba theekela jaaka monna yo o tagilweng, ba theekela fela, ba goleetsa, dipounama tse di korakoretsang, le diteme tse dingwe, ba tswelela jaaka segopa sa di sematla. Fela ba ne ba swa mo boboneng, mme Mowa o o Boitshepo o ne o tla ka mo go bone. Mme ba ne ba tukisa lefatshe le le neng le itsiwe. Se re se tlhokang gompieno ke batho ba ba tlaa swang mo boboneng, mme ba bole golo mo boboneng, mme ba fise borogo bongwe le bongwe fa morago, mme ba neele sengwe le sengwe ko go Keresete.

<sup>80</sup> Elang tlhoko Mowa o o Boitshepo o bua jaanong le diabolo mo kgosing ena. Lebang yo mogoma yona a neng a le ene yo o busang kgosi ena.

Lo gakologelwa se ke se buileng mosong ono, mosadi wa me ne a bua ka ga mosadi golo koo, segopa sothe seo sa basadi ba apere diaparo tse di lebegang di le maswe tseo, tse di makgapha? Lo a bona? Ne a re, “Ba tshwanetse ba bo ba se na monagano wa bone o o siameng. Mosadi yo o nang le monagano wa gagwe o o siameng ga a tle go itshenola jalo.”

<sup>81</sup> Ke ne ka re, “Moratwi, ena ke Moamerika fela; ke gotlhe. Moo ke temalo fano. Ba tlaa go dira, ka gore ke temalo.” Lo a bona, ba tsamaya ka mathale a bone. Fela mathale a gago, fa o tsamaya ka tlhogo ya gago, o laolwa ke diabolo. Diabolo ne a tsaya tlhogo ya motho, Modimo o tsaya pelo ya motho. Diabolo o go dira gore o lebelele sengwe se o ka se bonang. O re, “Sentle, go ntse jalo, go ntse jalo, ntsha lebaka, go ntshetse mabaka.” Fela Baebele e re letla re latlhele mabaka fatshe, mme ka tumelo re

dumela dilo tse re sa di boneng. Seo ke se Modimo a se dirang fa A tla mo pelong ya motho wa nama.

<sup>82</sup> Ko tshimong ya Etene diabolo ne a tsaya tlhogo ya motho; Modimo ne a tsaya pelo ya gagwe. Mme moo ke setulo sa bogosi sa Modimo, kwa Modimo a nnang gone, mo pelong ya motho wa nama. Mme jaanong, fa go le ka fa botlhaleng . . . Go tlhomame, fong monna kgotsa mosadi yo o tsetswang ke Modimo o tlaa itshwara jaaka Bogosi jo ba tswang kwa go jone. Haleluya! Moo go tlaa ntira ke thele loshalaba. Goreng? Ka gore fa o itse gore o fetile go tloga losong go ya Botshelong, ka gore o tlhoile boleo, mme o rata Modimo; mme o tlaa ema go sa kgathalesege fa o swa kgotsa o sa swe. O tlaa ema gore go phoso, mme o bitse phoso gore ke phoso; o tsamaye ka thokgamo fa pele ga Modimo. Go supegetsa gore Mowa wa gago, Botshelo jo bo leng ka mo go wena bo tswa ko lefelong le lengwe, kwa go leng boitshepo, le boitsheko, ebile go sa pekwa, mme go sa leswafatswa.

<sup>83</sup> Mme wa re, “Phodiso ya semodimo?” Go tlhomame! Mowa wa me o tswa ko lefelong kwa Mofodisi wa Semodimo a leng teng. Re tswa lefatsheng la phodiso ya Semodimo. Amen!

<sup>84</sup> E re, “O dumela gore Modimo o gone.” Go tlhomame, go tswa kwa lefatsheng le Modimo a leng gone. Mme re basepedi ba sedumedi le baeng jaaka Aborahame le Isaka. Nako e fela tshutifalelo ya Mowa o o Boitshepo e ba amang, ba ne ba ralala lefatshe mme ba ipobola gore ba ne ba le basepedi ba sedumedi le baeng. Ba ne ba senka Motse o Moagi le Modiri wa one e neng e le Modimo. Mme jaanong, morago ga re sena go nna le Bosupi jwa gone go tshela mo go rona, ke ga kae go feta ka fa re tshwanetseng go nna basepedi ba sedumedi le baeng, re tsamaya go ralala lefatshe, re retolosa tlhogo ya rona go tloga mo dilong tse di bosula, ka gore re ba setshaba se sengwe, batho ba bangwe. Go tlhomame!

<sup>85</sup> Jaanong elang tlhoko bosula bo laola lefatshe lena jaanong, jaaka re bala go tswa mo go Esekiele 28:12.

*Morwa motho, isa selelo ko kgosing ya Ture, mme o mo reye o re, Morena MODIMO o bua jaana; . . . (Jaanong elang tlhoko; O bua le mowa mo kgosing. Lo a bona?) . . . Morena MODIMO o bua jaana; Wena o kanelo letsatsi, o tletse botlhale, . . . o itekanetse mo bontleng. (Satane, lo a bona foo ka fa Satane a neng a le yo montle bogolo wa baengele ba bagolo ka gone?)*

*O kile wa bo o le ko Etene . . .*

<sup>86</sup> Jaanong lo a itse Kgosi ya Ture ka nako eo e ne e ka se ka ya bo e nnile e le ko Etene, gonne e ne e le dingwaga di le dikete tse nnê pele ga moo. Lo a bona? “O kile wa bo o le ko Etene,” ke mang yo A buang le ene? O bua le Satane mo kgosing eo. Haleluya! Mokaulengwe, ke ikutlwaa bodumedi. Fa . . .

<sup>87</sup> Mme fong, ke eng se batho bana ba ileng go se dira ba ba tlhaphatsang ebole ba sotlang ka batho fa tlase ga tshupegetso ya Mowa o o Boitshepo? Fa ba sotla ka batho bao bona ba tlhapatsa Mowa o o Boitshepo se kwa ntle ga pelaelo se sa itshwarelweng. Ga o bue le monna yoo, o bua le Mowa o o dirang mo monneng yoo. Re tshwanetse re tlhomphaneng, mme re rataneng, re bo re kgothatsaneng, re bue molemo mongwe ka yo mongwe. Seo ke se re tshwanetseng go se dira.

Jaanong reetsang sena. Go siame.

... *Wena o kanelo letsatsi, o tletse ka botlhale, ... o itekanetse mo bontleng.*

O ne o le...ko Etene, tshimo ya Modimo; le e leng mantswê a a tlhogegang e ne e le seipipo sa gago, saradio, topase, ... teemanne, ... berula, ... onekesa, ... jaspera, ... safira, ... emeraleda, ... karabunekela, ... gouta: ... go dira meropana ya gago...ga ditlhaka go ne ga baakanngwa mo go wena ka letsatsi le o bopilweng ka lone.

<sup>88</sup> Lusifa ke yoo. Ena o kile a bo a nna ko Etene. Jaanong, re ile go boela ko potsong eo mo motsotsong, Lusifa ko Etene, ka gore re na le peo ya noga fa tlase fano golo gongwe e e leng selo se se tsikitlang tota. Ke ne ka akanya gore ke tlaa solo fela fela gore moo go batlike go le ga bofelo.

<sup>89</sup> Fela o ne a ntse jalo, mme diabolo o ne a kojwa ko Legodimong. Mme jone boikaelelo jo a lekileng go bo ikaelela ko Legodimong, o ne a fologela gone fano mo lefatsheng mme o leka bojotlhe jwa gagwe go diragatsa seo se a neng a se ikaelela. O ya ko dikgosing le ko babusing, mme fa a ka ba tshwara, fong o fologela gone mo kerekeng a bo a tshwara batho—kgotsa a tshware moreri. Fong go tloga mo morering, o ya gone ka mo phuthegong mme a tsenye mo phuthegong mo tlase ga tlhotlheletso e e tshwanang, diabolo yo o tshwanang a dira dilo tse di tshwanang. “O a itse, o Mopresbitheriene, ga o kitla o nna sebidikami se se boitshepo. Wena o sena, sele, kgotsa se sengwe; o ne o ka se kgone go itshokela go itlhabiso ditlhong ka go nna mo gare ga bone. Goreng, o itse mo go botoka go na le go nna mo nngweng ya metlaagana e mennye eo ya kgale kgotsa mafelong a boanamisa tumelo mo mmileng. Goreng, batho bao ba fapogile tlhaloganyo ya bona.” Nnyaya, ga ba jalo. Nnyaya, ga ba jalo; bona fela ba jalo mo pelong ya bona; ke gotlhe. Ga ba a fapoga mo tlhaloganyong ya bona; ba laolwa fela ke pelo ya bona. Modimo o tshela mo pelong ya bone, mme bone ke batho ba ba faphegileng, boperesiti jwa segosi, ba ntsha setlhabelo sa semowa; moo ke maungo a dipounama tsa bone ba neela Modimo pako, a kana ba ikutlwya gore ba dire kgotsa nnyaya. “Ka dinako dingwe ga ke Mmone,” ne ga bua mokwadi wa pina, “Ke a tshepa ebole ke Mo rorise.”

<sup>90</sup> E re, “Sentle, ke tlaa ya kerekeng, mme ke tlaa roris Morena fa ke ne ke ikutlwa gore ke dire.” Sentle jaanong, moperesiti o tshwanetse go dira setlhabelo. Mme lona, phuthego, le baperesiti ba bagolo ba Modimo, go dira setlhabelo sa semowa; moo ke maungo a dipounama tsa lona lo neela Modimo thoriso.

<sup>91</sup> O fologe o bo o re, “Sentle, fa ke ne ke ikutlwa gore ke dire, ke ne ke tlaa ya golo koo mme ke pakelle mongwe.” Sentle, go dire le fa go ntse jalo! Fa o le moperesiti yo mogolo, mokaulengwe, Go tuka mo pelong ya gago, a kana o ikutlwa o kare o go dire kgotsa nnyaya. Tsamaya o go dire le fa go ntse jalo, ka gore o tshwanetse o dire setlhabelo, sengwe se se bokete go se dira. Tsamaya o go dire le fa go ntse jalo, wena o boperesiti jwa semowa, batho ba kwa bogosing, o neela Modimo pako, ka gore Modimo o tshela mo pelong ena.

<sup>92</sup> Jaanong, fa o le wa ga Satane, o ikutlwa gore wena fela o botoka gannygo na le setlhophpha seo sa batho. Jaanong, o ile go itse jang gore ke ofeng yo o nepileng? Go tseye ka Dikwalo. Fa motho a tsetswe ke Modimo, o dumela Lefoko lengwe le lengwe le Modimo a le kwadileng, mme A re Ena o mogolo fela gompieno jaaka A kile a bo a ntse ka gone, mme ga A ke a fetoga, mme O tshwana fela maabane, gompieno, le ka bosaeng kae. Fa a tladitswe ka Mowa o o Boitshepo, o na le Mowa o o Boitshepo o o tshwanang o A o neileng ka letsatsi la Pentekoste, mme go mo dira a itshole ka tsela e e tshwanang a bo a dira dilo tse di tshwanang. Fa a tsetswe ke Mowa wa Modimo, Mareko 16, Jesu ne a re, “Ditshupo tse di tla latela bao ba ba dumelang.” Ke nnete! Jalo he a re, “Ke modumedi,” mme ditshupo tseo ga di latele, go raya gore ene ke moiketsisa-modumedi, eseng modumedi.

<sup>93</sup> Go na le ditlhophpha di le tharo tsa batho, modumedi, moiketsisa-modumedi, le modumologi. Mme tseo ke ditlhophpha di le tharo fela tse di leng teng. Baiketsisa-badumedi ba le bantsi; go na le badumedi ba mmannete ba le bantsi; mme go na le badumologi ba le bantsi. Fela fa o le modumedi wa mmannete, Jesu ne a re, “Ditshupo tse di tla latela bao ba ba dumelang. Ka Leina la Me ba tla kgoromeletsa ntle bodiabolo, ba bue ka diteme tse dintshwa. Fa ba ka gata mo nogeng (Mokaulengwe Evans) ga e tle go ba utlwisa botlhoko. Fa ba baya diatla tsa bone mo balwetsing, ba tla fola!” Ao, moo go boammaaruri fela jaaka Lefoko la Modimo le le boammaaruri. Ga re na tiro epe ya go tlosa sepe mo go Seo. Baebele ne ya re ena yo o tlaa ntshang kgotsa a oketsa mo Lefokong lena, mo go tshwanang go tlaa ntshiwa mo Bukeng ya Botshelo, mo go ena. Modimo o itekanetse thata, gore lefoko lengwe le lengwe le tshwanetse le itekanele mme le tshwanetse le tloge ko go Genesi go ya ko go Tshenolo go tshwana, lefoko lengwe le lengwe, taolo nngwe le nngwe ya Modimo. Jaanong, o ka Le dira le bue sengwe fano mme wa Le sokasoka ka kwano.

<sup>94</sup> Ke ne ke dutse letsatsi lengwe fa tlase ga setlhare le Mokaulengwe Charlie golo koo le Mokaulengwe Wood fano; re ne re tsoma golo ko Kentucky. Re ne re tsoma ka tlhobolo e telele. Mme nna . . . Mokaulengwe Charlie le Mokaulengwe Wood ba ne ba futse dikota tsa bone mo mosong oo. Fa dijarateng di ka nna masome a matlhano di ne di itaya lefelo go ka nna le legolo leo go dikologa, le legolo jaaka mogwele. Ba ne ba re, “Moo go siame.”

<sup>95</sup> Mme ke ne ka ya golo koo . . . Ke ne ke ntse ke kokotela dimapo mo dijarateng di le masome a matlhano. Mme ke ne ka fosa leithlo la mogwele mme ka o itaya mo lerameng. Ke ne ka re, “Moo ga go a siama; tlhobolo ya me e dule mo tsepamong.” Mme fong ke ne ka tshwenyega letsatsi lotlhe. Maitseboa a a latelang ke ne ka tsena go sale nako. Ke ne ka thuntsha lebokoso la marumo. Ke ne ke tlaa . . . Le ne le tle le iteye e gannyennyane fela, halofo ya intshi, go ya ka ko moyeng. Goreng, le ne le tlaa itaya mogwele mo tlhogong le fa go ntse jalo.

<sup>96</sup> Jalo he Charlie le bone, moso o o latelang ba ne ba le golo koo, mme ditlhobolo di tserema fela, ba itaya fela megwele, mme nna ke ntse ka fa morago ga setlhare ke sogotla fela diatla tsa me, ke re, “Ao, bothata ke eng ka tlhobolo ya me?” Ke ne ke tlhajelwa ke ditlhong thata, go tsamaya ke khubama ka mangole a me, Ke ne ka re, “Morena Modimo, ga ke itse se e leng bothata ka nna. Gobaneng O ntirile, mothonyana yo o tshwenyegang motlhofo thata, yo o mafafa? Goreng ke ne ke tlaa nna sena? Bagoma bao ke bale golo koo ba fula megwele, fela thata jaaka ba kgona go fula. Ba setse ba na le megwele e mentsi thata; mme ke nna yo, ke ntse ka fa morago ga setlhare, ke sogotla diatla tsa me, mme ke ipotsa, “Tlhobolo ya me—ya me ga e iteye sekota, fa dijarateng di le masome a matlhano.”” Ke ne ka lela, ka dula foo mo lotlhakoreng lwa logong.

Mme fong Mowa o o Boitshepo o ne wa tla, eseng ka Lentswe, fela ka tshenolo, ne wa re, “Ke go dirile ka tsela eo go le maikaelelo.”

<sup>97</sup> Goreng? Nka se kgone go tsaya Baebele e bua sengwe fano, jaaka kereke e bua, “Mowa o o Boitshepo e ne e le wa fela sethophpha sele kwa morago kwa,” kereke e bua jalo; mme Lekwalo le re, “Le fa e le mang yo o ratang.” Ga ke kgone go dira gore seo se iteye sekota.

<sup>98</sup> Nka se kgone go dira Bokhalefini—go dumela fela mo go Morena mme o na le tshireletso ya bosakhutleng—le Boarmeniene, “Gore fa fela ke sa ame, ke sa tshware tshware, ke sa lekeletse, ke—ke tlaa rata go go dira, fela ga kgone go go dira!” . . . Boarmeniene bo kgakala thata le Bokhalefini, mme bone boobabedi ba phoso. Ke tshwanetse ke bone kwa . . . Bone boobabedi ba na le Dikwalo, fela go tshwanetse go iteye sekota. Jaanong, fa Modimo a buile selo se le sengwe mo Baebeleng ena, go tshwanetse go iteye sekota; go tshwanetse go dire mhitshana

mongwe le mongwe mo Baebeleng eo o tle gone ka tlhamallo golo ko go konopelo motshwi eo. Go tshwanetse go go dire, ka gore Ke Lefoko la Modimo; mme Ena ke yo o senang selekanyo, mme ga Le kgone go fetoga. Amen! Ke rata seo, ka gore fong o ka kgona go itshetlala ka boitekanelo gore Ke Lefoko la Modimo la Bosakhutleng. Mme ke gone ka moo, ke lekang go Go ithuta go tswa mo Dikwalong tse di farologaneng go Le dira—go bona se Le tlaa se buang. Go siame.

<sup>99</sup> Satane o ne tota a kgoromeletswa kwa ntle ga Legodimo ke Mikaele Moengele yo mogolo le Modimo. Mme o ne a latlhelwa ko lefatsheng, a tla mo lefatsheng, a tsena ka mo nogeng, a tsietsa Efa, mme fong o tsene ka mo banneng, basading, gotlhe go fologa go ralala paka ka selo se se tshwanang se a se simolotseng kwa tshimologong—bogosi jo bogolo thata, jo bontle go na le jwa bagoma ba bangwe, a nne molaodi mo go botlhe, maitsegotlhe. “Lekoko la rona ke le legolo go feta; lone le—lone le—lone le legolo mo go a mangwe.”

<sup>100</sup> Lo ba utlwile ba re, “Goreng, re na le bareri ba le makgolo a le mantsi thata mo lekgotleng la rona. Re na le dikereke tse dikgolo go feta tse di leng teng mo motseng.” Selo se le sengwe se se peletang ke S-a-t-o-n mo go nna. Go jalo. Moo go raya diabolo mo go nna. Nako e o tsayang motho yo o tlaa senyang mme a rulaganye, a bo a senya bokaulengwe, mme ba re ga ba tle go nna le sepe se se amanang le kerek e nnye . . .

<sup>101</sup> Ga ke ise ke bone motho yo o kwa tlase thata le ka nako e, kgotsa ga ke ise ke bone motho yo o kgakala thata mo boleong le ka nako e; Ga ke ise ke bone a le mongwe—mosadi yo o hubaletseng thata kgotsa monna yo o hubaletseng thata, fa e se gore ke tlaa ya kwa go ene, mme ke beye diatla tsa me go mo dikologa, ke bo ke mo ntsha mo go seo fa nka kgona. Ga ke ise ke bone segopa sa dibidikami tse di boitshepo, kgotsa eng le eng se lo batlang go se ba bitsa, ba tsepaletse, ba bo ba tlola, ebile ba goeletsa, kgotsa eng le eng se ba ka tswang ba se dira, fa e se gore ke tlaa tsena gone teng foo mme ke tsepalle, le go tlola, ke bo ke kua le bone go galaletsa Modimo (moo go jalo totatota!) a kana o montsho, mosetlha, morokwa, mosweu, kgotsa le fa e ka nna eng se a ka tswang a le sone. Ee, rra!

<sup>102</sup> Mowa o o Boitshepo o tla mo selekanyong se le sengwe; seo ke gore o kgotsofatsitaelo tsa Modimo. Fa o ka ba wa O amogela, o tlaa tla mo selekanyong sa Modimo mme e seng dikakanyo tse e leng tsa gago ka ga One. Satane o leka go go dira mo go leng ga maemo, sengwe se segolo, sengwe se setona, sa bothhale. O tshwanetse o latlhe go ntsha mabaka moo mme o dumele se Lefoko le se buang ka ga gone. Amen!

**80. Jaanong, e nngwe ke ena; a re boneng se e leng sone. Go siame. Tsweetswee tlhalosa setshwantsho sa makgarebana a matlhano. A Mokeresete o a leofa?**

<sup>103</sup> Jaanong, setshwantsho sa makgarebana a le matlhano—kgotsa makgarebana a le lesome ke gone, tsweetswee intshwareleng. Makgarebana a le lesome a fitlhelwa mo go Matheo 25:1. Makgarebana a le lesome a ne a tswa go kgatlhantsha monyadi (jaanong lemogang!), mme ba le batlhano ba bone ba ne ba le botlhale ebile ba na le lookwane mo diponeng tsa bone, ba le batlhano ba ne ba le dielele mme ba ne ba sena lookwane mo diponeng tsa bone. Ya re ba santse ba robetse, go kua—go kua go ne ga tla, “Tsamayang lo ye go kgatlhantsha monyadi.” Mme bone ba ba neng ba na le lookwane mo diponeng tsa bone, ba ne ba baakanya dipone tsa bone, molelo o ne o tuka, mme ba ne ba tswa go kopantsha monyadi. Ba bangwe ba ne ba tla go reka lookwane, mme ba ne ba bolelela gore ba ye mme ba tseye go tswa mo go—lookwane mo go bao ba ba le rekisitseng. Fa ba ne ba santse ba tsamaya, monyadiwa o ne a tla mme kga—mme kga—kgarebana e e botlhale e ne ya tsena, mme kgarebana e e robetseng e ne ya kgoromeletswa ntle.

<sup>104</sup> Mona go ile go utlwisa botlhoko, go utlwisa botlhoko ka mmannete, fela ke tshwanetse fela ke go bue. Ga ke ise ke botse potso e; ke na fela le maikarabelo a go e araba. Jaanong, mona go tla gaufi thata le gae, mokaulengwe, gaufi thata, go fitlhela ke solo fela gore go a thusa mo boemong jwa go utlwisa botlhoko. Ka tlwaelo o tshwanetse o utlwise botlhoko . . . Jaaka mama a ne a tlwaetse go bua fa a ne a nkitaya, o ne a re, “Go tshwanetse go utlwise botlhoko pele ga go go direla molemo.” Sentle, moo—moo go jalo. Lo a bona? Ke ne ke sa kgone go go bona ka nako eo, fela ke—ke a go bona jaanong.

<sup>105</sup> Lebang, ba . . . Botlhe ba le lesome ba bone ba ba neng ba tswa e ne e le makgarebana. Jaanong, go ne go na le makgarebana a le lesome a a neng a ya go kgatlhantsha Morena. Jaanong, lefoko *kgarebane* le raya “itshepisitswe (a mongwe o itse seo?), boitshepo, phepa, itshepisitswe.” Go ne go na le ba le lesome ba bone ba ba neng ba tswa go kopantsha Morena.

<sup>106</sup> Jaanong gakologelwang, ba ne ba ntse ba robala mo tebelelong ya bongwe, tebelelo bobedi, tebelelo boraro, go tswelela go fitlha tebelelong ya bosupa. Fela bana ka mmannete ba ne ba ya go kgatlhantsha Morena. Mme gakologelwang, jaaka ba ne ba ya, Morena ne a tla. Moo e ne e le go tla ga nako ya Morena. Eseng yo o neng a le mo tebelelong . . .

<sup>107</sup> Jesu ne a bua kwa bangwe ba neng ba wela mo tebelelong ya ntsha, mme bangwe mo tebelong ya bobedi, le bangwe mo . . . Fela kwa go tleng ga Morena botlhe ba ne ba tsoga. Fela mo tiragalang ena, e ne e le tebelelo ya bofelo, ka gore ba ne ba tswa, ba le lesome ba bone, go kgatlhantsha Morena. Mme ba le batlhano ba ne ba dira dipone tsa bone di nne mosi, mme ba se tseye lookwane lepe; ba le batlhano ba ne ba na le lookwane.

<sup>108</sup> Jaanong gakologelwang, lookwane mo Baebeleng ke sekao sa eng? A mongwe a ka bua? [Phuthego e a fetola, “Mowa o o Boitshepo.”—Mor.] Mowa o o Boitshepo! Fong o ka nna wa bo o le phepa, ebile o itshekile, ebile o itshepisitswe ntengleng ga go nna le Mowa o o Boitshepo. Go phepafadiwa ke se o leng sone . . .

<sup>109</sup> Jaanong elang tlhoko, ke ile go tsaya jaaka lebotlele lena. Mme le ntse fa ntle fano mo jarateng ya dikoko, mme le tletse gothe ka matladika. Ke a le nopa; moo ke tshiamiso: “Ke ile go dirisa sena e le moleofi.” Mme selo se se latelang se ke se dirang fa ke ile go le dirisa, ke tlaa tshwanela go le phepafatsa. Mme fong, fa ke le phepafatsa, ke eng se ke se dirang mo go lone? Go le itshepisa. Lefoko *itshepisa* le ne la dira—le raya “phepafatsa,” selo se se tshwanang le boitshepo. *Holy—holy* ke lefoko la Sehebere, *sanctify* ke lefoko la Segerika. Lefoko *sanctify* le raya “phepa mme go beetswe fa thoko go beetswe tirelo.” Fela fong, go sego bone ba ba tshwarwang ke tlala ebile ba nyorelwya tshiamo gonne ba tlaa kgorisiwa, fong ba tsengwa mo tirelong.

<sup>110</sup> Dijana . . . Motlaagana wa Kgoalagano e Kgologolo, aletare e ne ya itshepisa dijana, mme ba ne ba beelwa fa thoko *ka ntla* ya tirelo. Fa ba ne ba tladiwa, ba ne ba le *mo* tirelong.

<sup>111</sup> Jaanong, foo ke fa lona Manasarene ba ba rategang, ba ba rategang thata le jalo jalo, lo tlogetseng letshwao. Lo a bona? Rona rotlhe . . . Goreng lo palelwa? Goreng Pentekoste e tlogile mme ya lo tlogela. Ka gore lo ganne go tsamaya mo Leseding. Go ntse jalo totatota. Lo a bona? Moo ke totatota. Aletare ya ntla e ke kileng ka khubamela kwa go yone e ne e le kwa aletareng e e rategang thata, ya kgale ya Nasarene golo fano. Modimo a ba segofatse, kereke e e molemo, e e boitshepo, e e phepa, fela lona lo tshegetsa melao thata gore lona lo a ya lo re, “O tshwanetse o dire *sena*, ebile o tshwanetse o dire *sele*. O tshwanetse o dire *sena*,” mme ga lo lemoge gore ke letlhogonolo la Modimo mme lo bidiwa ka tlhopho. Ga se ena yo o ratang kgotsa ena yo o tabogang, fela ke Modimo yo o bontshang boutlwelo botlhoko. Lo a bona? Modimo o ne a tlhomamisetsa Kereke pele ga motheo wa lefatshe (re na le potso ka seo mo metsotsong e le mmalwa. Lo a bona?), o tlhomamiseditse pele Kereke pele ga motheo wa lefatshe.

<sup>112</sup> O ka se kgone, ka go kakanyo, wa oketsa lebogo le le lengwe mo popegong ya gago. “Ga go motho yo o ka tlang mo go Nna ntengleng le fa Rrê a mo goga pele.” Lo a bona? Lo a bona, e ne e le Modimo yo neng a dira pitso, Modimo yo neng a dira kgogo, Modimo yo neng a tlhoma Kereke. Jaanong, jaanong, wa re, “Mokaulengwe Branham, moo ke Bokhalefini jo bo feleletseng.” Nnyaya, ga se jone. Jaanong, leta! Ga ke dumele gore Modimo o tsaya motho a bo fela a re, “Fano, ke ile go go tsaya mme . . .”

<sup>113</sup> Mabaptisti otlhe ana le Mapresbitheriene ba re, “Sentle, ke dumela mo go Morena, ga ke na—ga go atlhole segakolodi sa me!”

Ga e kgane, lo se na sepe go se kgala. Ba re, "Sentle, go bina ga go nkutlwise bothhoko. Go nwa senotaginyana sa go itsalanya ga mmogo ga go tle go nkutlwisa bothhoko." Ka gore ga go na sepe teng foo go se utlwisa bothhoko. "Go bolela metlae e e maswe ga go tle go ntshwenya." Ka gore goreng? Ga go na sepe teng moo go se utlwisa bothhoko.

<sup>114</sup> Fela ga ke direle Morena ka gore ke akanya gore O tlaa nthomela kwa diheleng fa ke sa dira; ke Mo direla ka gore ke a Mo rata. Ke Mo direla ka gore go na le sengwe mo go nna. Fa o tswela ntle mme o re, "Sentle, ke tshwanetse ke tlogele go dira sena ka gore kereke ya me ga e dumele mo go gone," o diragatsa fela karolo ya moitimokanyi. Go jalo. Fela fa o go dira ka gore wena o a go rata, mme—mme gone ke go ntshetsa Modimo seabe, mme sengwe mo pelong ya gago se dira lorato lwa Modimo le nne legolo thata mo go wena go feta dilo tsena, jaanong wena o mo moleng o o siameng. Fela fa ke ne ke sa nwe, ke sa goge, ke sa tlhahune, ke sa hutshe, ke sa dire sepe se sele, ke ne ke tlaa bo ke santse ke ya diheleng. Go tlhomame! Ke ne ke ipatagantse le dikereke tsotlhe, ke ne ke kolobeditstswe, mme ke ne ke na le leina la me mo dibukeng tsotlhe, mme ke diragatsa karolo e e molemo, mme ke tshela botshelo jo bo molemo, "Ntleng le gore motho a tsalwe seša, ga a kgone le e leng go bona Bogosi jwa Modimo." Go jalo!

<sup>115</sup> Jaanong makgarebana ana, ba le lesome ba bone ba ne ba fokotsa lobelo. Se se neng sa dimokanya batho ba Manasarene e ne e le sena: Ka gore Mapentekoste ba tsere bosupi jwa ntlha jwa Mowa o o Boitshepo e le go bua ka diteme. Ba ba tlisitse golo kwa aletareng mme ba ba dira gore ba bue sengwe kgotsa se sele go boeleta le go boeleta go fitlhela ba ne ba buile ka diteme. Mopentekoste wa mmannete, wa nnete ga a tle go amogela seo. Diabolo o ne a na le dilo di le dintsi mo kerekeng ya lona ya Nasarene le yone. Lo a bona? Mme o na le dilo tse dintsi thata mo kerekeng ya Pentekoste, fela go ya ka fa kolobetsong ya Mowa o o Boitshepo, moo ke Boammaaruri. Moo ke Boammaaruri totatota.

<sup>116</sup> Go na le ba le bantsi ba bone, ba ke ba itseng. Ke utlwile batho ba bua ka diteme. Ga ke kgone go atlhola; ga ke a romelelwa go athhola. Ke utlwile mo gontsi thata ga gone; go utlwala jaaka kgotlhoo e e gogomang le diphaphatshana tes di tsirimang. Fela ke a itse gore go na le Mowa o o Boitshepo tota o o buang ka diteme. Mme ke a itse moo go jalo. Ee, rra!

<sup>117</sup> Fela ba ne ba bone batho ba tsena mme ba re, "Kgalalelo go Modimo, ke na Nao." Sentle fong, moo ke selo se se tshwanang . . . Jaanong, lo sekla lwa bitsa seo Pentekoste ka gore ba ne ba tlolela ko godimo le ko tlase, mme ba bua ka diteme, mme lo ba bone golo koo le mosadi wa mongwe o sele kgotsa monna wa mongwe o sele.

<sup>118</sup> Wa re, "A moo ke Mowa o o Boitshepo?" Lona Manaserene lo ne lwa thela loshalaba gotlhe mo bodilong mme lwa dira selo se se tshwanang. Lo rile lo ne lo na le One fa lo ne lo thela loshalaba. Lo a bona? Ga go na tsela epe gotlhele e o ka kgonang go go netefatsa ka—fa e se ka botshelo jwa gago jo o bo tshelang. "Lo tla ba itse ka maungo a bona." Eo ke tsela e go leng ka yone. Botshelo jo bo poifoModimo le Keresete a dira mo go wena a tlhomamisa Mafoko, ditshupo le dikgakgamatso di latela ka botshelo jo bo poifoModimo, moo ke selo sa mmatota. Jaanong, o ka nna le ditshupo di le dintsi mme go se botshelo. O kgonag go etsa botshelo ntleng ga ditshupo, fela fa o di bona tsoopedi ga mmogo, go raya gore moo ke gone. Moo ke gone.

Jaanong! Mme fong, gakologelwang, Monyadiwa . . . Jaanong nka nna ka wetsa sena fa lo na le nako ya metsotso e le mmalwa fela, re yeng mo go yone.

<sup>119</sup> Lebang, mosadi o ile go sega mosese. O na le setoki se se golo sa matsela. (A re go bitse eng? Khalikho, gingham, kgotsa sengwe se sele, mohuta mongwe wa leina le lo nang nalo. A re reng ke silika.) Mme o na le phethene. Mme o leba setoki se segolo sena sa matsela. Jaanong, go tswa mo go ene kwa a bayang phethene ena gone. A go ntse jalo? O kgonag go e kgetha go tswa karolong nngwe le nngwe ya matsela ana, mme matsela otlhe a itshepisitswe, a phepa. Lo a bona, ke tlhopho. Tlhopho ya Modimo. Jalo he O dira eng? Modimo o tsaya ka tlhopho a bo a baya phethene ena ya ga Keresete gongwe le gongwe kwa A batlang go dira mo matseleng. Fong e a segwa. Matsela a a setseng a boitshepo fela jaaka karolo ena e ne e le boitshepo, fela ka maikgethelo a Modimo o ne a dira maikgethelo a Gagwe pele ga motheo wa lefatshe. A Paulo ga a a ka a bua mo go Bakorinthe—Bakorinthe 8, ke raya, Baroma 8, gore, "A Mmopi a ka kgonag . . . a letsopa le ka kgonag go raya Mmopi la re, goreng o ntira jaana?" A Modimo a ka kgonag, Yo o tshiamo, fa A ne a kgonag go raya Esau kgotsa Jakobo pele ga le e leng mosimane ope a ne a tsalwa kgotsa a dira tshiamo kgotsa phoso, "Ke tlhoile Esau mme ke rata Jakobo"? Ke ka gore ka kitsetsopelle O ne a tlaa itse se Esau a neng a le sone le se Jakobo a neng a le sone. O itse se se leng mo mothong. Pele ga motheo wa lefatshe O ne a itse, Ena . . .

<sup>120</sup> Fa o ka kgonag go tlhalosa lefoko la *bosenang selekanyo* . . . Goreng, lefoko *bosenang selekanyo* . . . Ka re go nnile le ditone di le dibilione di le lekgolo tsa mentsana mo lefatsheng (moo go ne go sa tle go go simolola), ditone di le dibilione di le lekgolo tsa mentsana mo lefatsheng, mme mongwe le mongwe wa yone o bebentshitse matlho a tsone makgetlo a le dibilione di le dithirilione di le lekgolo. Mme ga go le o le mongwe wa one o o kileng wa ba wa bebentsha leithlo la one fa e se se Modimo a se itseleng pele ga motheo wa lefatshe. Moo ke mo go senang selekanyo. Moo ke sengwe mo lefokong la *bosenang selekanyo*. Lo a bona?

<sup>121</sup> Ena ke yo o senang selekanyo. Jalo he pele ga motheo wa lefatshe O ne a itse fela totatota se o tlaa se dirang. Mme O ne a romela Keresete, eseng fela go nna . . . Fa mongwe, "Sentle fa fela ke tlaa tlogela bopelotshula jwa me mme ke Mo latele," kgotsa sengwe se se jalo, moo ga se gone. O ne a itse gore ke mang yo o tlaa bolokesegang, jalo he O ne a romela Keresete go pholosa seo se A se bonetseng pele gore se tlaa bolokesega. Go jalo totatota.

<sup>122</sup> Jaanong, Kereke ka Boyone e na le tshireletsego ya Bosakhutleng. Fa o le mo Kerekeng, o sireletsegile le Kereke. Fela fa o tswa mo Kerekeng, wena ga o a sireletsega. Lo a bona? Jaanong, o nne mo Kerekeng.

<sup>123</sup> O tsena jang mo Kerekeng? Go tshwaraganya diatla, go kwala leina la gago mo bukeng? Ka Mowa o le mongwe rotlhe re kolobeleditswe ka mo Mmeleng o le mongwe; moo ke Kereke. Jang? Ka kolobetsa ya Mowa o o Boitshepo re kaneletswe mo Mmeleng wa ga Keresete. Lobaka lo lo kae? Go fitlheleng letsatsing la thekololo ya lona. Baefeso 4:30, "Lo se hutsafatseng Mowa o o Boitshepo o ka one lo kaneletsweng go fitlheleng letsatsing la thekololo ya lona." O kaneletswe go fitlheleng letsatsing la thekololo ya gago. Jaanong. Go tlhomame, go tlhomame, moo ke Mowa o o Boitshepo.

<sup>124</sup> Mme jaanong, Kereke eo e ne ya tlhatlosiwa, le masalela a peo ya mosadi ba ba tshegetsang ditaolo tsa Modimo eibile ba na le tumelo mo go Jesu Keresete (lo a bona?), eseng Monyadiwa, masalela a peo ya mosadi. Fong kgogela e ne ya kgwa metsi mo molomong wa yone go lwantsha masalela a peo. Moo ke nako e kereke ya protestante fa tlase ga Bokopano jwa Dikereke, mo e leng setshwantsho sa sebatana, sone se jaanong se ntseng se tlhodiwa . . . Mme go tlaa nna le ngalo mo dikerekeng tsotlhе tse di jaana.

<sup>125</sup> Jaaka re le mo bokopanong jo bogolo jwa go kgobokanngwa ga lekgetho gone fano jaanong, ngangisano, re leka go bua gore ga re kereke, mme re na le ditshwanelo tsa Molao motheo go bua gore rona re kereke. Fa fela Molao motheo o eme foo, ga go na tokafatso mo go seo, ka ntla eo rona go sena pelaelo epe re na le ditshwanelo, tshwanelo e ntsi fela jaaka mongwe le mongwe. Borraaronna mogolo ba ne ba emela seo. Fela ke eng se re se dirileng, re sentse melao mengwe le mengwe ya Molao motheo e ba ka e senyang, mme segautshwaneng Bokopano jwa Dikereke, tse e leng gore dikerekeng tsotlhе le makoko di lalediwa ka mo go jone, mme diabolo o tsene mo teng eibile a dira bosula le sengwe le sengwe mo malokong a kereke ya fa gae le jalo jalo, le diphuthego tse dikgolo, le mophato, le mokgatlho, nako e kereke e nnye ya kgale e santseng e le golo ka kwa e tsalwa sešwa mo matladikeng jaaka tsalo epe e ntse ka gone, ba santse ba duela tlhwathlwa, ba santse ba khubama eibile ba swa, ba itshola ka tsela e e tshwanang e ba dirileng ka yone lantla fa ba ne ba tsalwa kwa letsatsing la Pentekoste, mohuta o o

tshwanang wa kereke golo koo . . . Ba tlaa bo ba tswaletswe mme ba tswaleletswe ko ntle mo tlase ga Bokopano jwa Dikereke. E tlaa bo e le ngalo jaaka kopano kgotsa sengwe. Wena kana o tlaa tsena kgotsa o tlaa tswa.

<sup>126</sup> Letshwao la sebatana le tsweletse gompieno, mme se—Sekano sa Modimo ke Mowa o o Boitshepo. Go go gana ke letshwao la sebatana. Le fa e le mang yo o bonang Mowa o o Boitshepo, gore o tshwanetse o O amogele, mme fa o sa go dire, ka go itirisa wena o tsaya letshwao la sebatana, ka gore go na le mephato e le mebedi fela go tshela: botlhe ba ba neng ba sena Sekano sa Modimo ba ne ba na le letshwao la sebatana. Jalo he go amogela Sekano sa Modimo ke go amogela Mowa o o Boitshepo. Go O gana ke go nna le letshwao la sebatana. Selo sotlhe ke seo. Go jalo totatota.

<sup>127</sup> Jaanong, Monyadiwa o ne a tlhatloga, masalela a tlogetswe fano. Mme ke ene yo o tlang mo tsogong ya bobedi. “Go sego ebole go boitshepo ena yo o nang le bontlhabongwe mo tsogong ya ntlha, yo mo go ena loso lwa bobedi le senang thata epe.” Go ntse jalo. Tsogo ya bobedi e tlaa bo e le Katlholo ya Terone e Tshweu, fong kereke . . . “A ga lo itse,” ne ga bua Paulo, “lo ya mo gare ga badumologi le diagente le jalo jalo fa baitshepi ba tla athlola lefatshe.” Dikgang tsena di tshwanetswe di atlholwe fa pele ga Kereke, eseng fa pele ga bommakaseterata ba ba sa siamang le jalo jalo, fela dikgang tsa rona di tshwanetse di nne fa pele ga Kereke. Lo se nneng pelokgale go isana ko molaong. Mme Modimo a tlhomogelege motho pelo yo o tlaa isang Mokeresete ko molaong. Go ntse jalo. Paulo ebole o ne a ba gwetlha gore ba leke go go dira.

<sup>128</sup> Jaanong, moo ke Monyadiwa, mme kgarebana e e robetseng ke eo e a tsamaya, e e tlogetswe mo lefatsheng. Kgarebana e e bothhale e ya ko Legodimong ka lookwane mo loboneng lwa yone.

Ke a itse re ka dirisa nako e ntsi mo go seo, fela ke na le—ke ile go itlhaganelo go fetsa sena.

<sup>129</sup> “A Bakeresete ba a leofa?” Go sena pelaelo epe nnyaya! Ga go Lekwalo lepe kwa Mokeresete a leofang gone. A ka se kgone go leofa. Ke a itse gore go na le kilo kgatlhanong le seo. Sentle, re tlaa ya fela ko go Johane wa Ntlha 3 mme re bone se Lekwalo le se buang. Mokeresete ga a leofe.

<sup>130</sup> A lo kile lwa bona nonyane e ntsho, e tshweu kgotsa nonyane e tshweu, e ntsho? A lo kile lwa bona motho yo o tagilweng, yo o sa tagwang? Nnyaya! Ga o ise o ke o bone moleofi, e le moitshepi le gone. Ga go selo se se jaaka seo.

<sup>131</sup> Jaanong, fa sena se nna fela se se amang maikutlo botlhokwana, o tshase fela boroku jo bontsi jo bo alafang mo teng, lo a itse, mme go tlaa—go tlaa alafa fela mo motsotswaneng jaanong.

<sup>132</sup> Jaanong, Dikwalo ke dinetefatso tsa rona tse di sa belaelweng, tse di sa palelweng tsa se re buang ka ga sone. Johane wa Ntlha kgaolo ya bo 3 le temana ya bo 9. Go siame, reetsang sena!

*Yo o dirang boleo ke wa ga diabolo; gonne diabolo o leofile go tloga tshimologong. Morwa Modimo o ne a bonatshegisetswa maikaelelo ana, gore a tle a senye ditiro tsa ga diabolo.*

Reetsang, a lo ipaakantse? Lo apere dibaki tsa lona, seaparo sa ntwa se kopetswe gotlhelele? Reetsang ka tlhoafalo, ka gore mona go a tshosa.

*Yo o tsetsweng ke Modimo ga a dire boleo; . . . (Moo go jang?) . . . gonne peo ya gagwe . . . (peo ya Gagwe, ya Modimo) . . . e setse mo go ene: . . . (Motho!) . . . mme ga a kake a leofa, ka gore o tsetswe ke Modimo.*

*Mo go sena bana ba Modimo ba a bonatswa, le bana ba diabolo: le fa e le mang yo o sa direng tshiamo ga se wa Modimo, le ene . . . yo o sa rateng modumedi ka ene.*

Le ka nna le makoko jang mme lwa thaya dithibedi le dilo tse di jalo, mme lwa re lo tsetswe ke Modimo? Ga go selo se se jaaka seo. Ke tshotlo ya ga sa—Satane. Go jalo. Fela motho yo o tsetsweng ke Modimo ga a kgone go leofa; ga go kgonege gore ena a leofa.

<sup>133</sup> Elang tlhoko! Mpe fela ke tseyeng sefaapano sena motsotsotso fela fa se tlaa tloga foo. Ke Mang yo neng e le setlhabelo sa boleo? Jesu Keresete. Re tsena jang mo go Keresete? Ke Mang yo o re swetseng? Keresete. O ne a swela eng? Maleo a rona. O tsere kotlhao ya me. A go ntse jalo? Mme fong ke tsena jang ka mo go Ene? Ka Mowa o le mongwe rotlhe re kolobeleditswe ka mo Mmeleng o le mongwe. Mme fa mo Mmeleng ona, re khurumeditstswe ke Madi ebole re gololesegile mo dikatlholong. A ka se kgone go leofa, ka gore go na le setlhabelo sa Madi se se mo emelang motshegare le bosigo. Aleluya! A ka se kgone go leofa. Ga a na keletso epe ya go leofa. Fa a go dira—fa a dira sengwe se se phoso, ga a ikaelele go go dira. Baebele ne ya re mo go Bahebere kgaolo ya bo 10, “Gonne fa re leofa ka bomo morago ga re sena go amogela kitso ya Boammaaruri (mme Ena ke Boammaaruri), ga go sa tlhola go setse setlhabelo sepe sa boleo. Ena yo o nyaditseng molao wa ga Moshe o swetse mo tlase ga basupi ba le babedi kgotsa ba le bararo, gopolang gore ke kotlhao e e botlhoko go feta jang, le fa a tshwanelwa, yo o gatakileng Madi a ga Jesu Keresete mo tlase ga dinao tsa gagwe mme a kaile Madi a kgolagano a ka one a neng a itshepisiva e le selo se se seng boitshepo, mme a tlontlolotse ditiro tsa letlhogonolo.”

<sup>134</sup> Gonne ka Mowa o le mongwe rotlhe re kolobeleditswe ka mo Mmeleng o le mongwe mme re gololesegile mo boleong, mme ga re kake ra leofa. Go na le tetlanyo e e re letileng. Mme fa

go santse go na le keletso mo pelong ya gago go leofa, ga o ise o ko o kolobeletswe ka mo Mmeleng oo, ka gore o sule mme botshelo jwa gago bo fitlhilwe mo go Keresete ka Modimo ebile bo kaneletswe ka Mowa o o Boitshepo. Bakeresete ga ba leofe. Ba dira diphoso, fela ga ba leofe. Amen! Leo ke lebaka le ba sa direng, gonne ena ga a kake a leofa.

<sup>135</sup> Nka nna jang le . . . Fa ke fologa go ralala motsemogolo fano, mme ratoropo wa motsemogolo a re, “Rrê Branham, ke a itse gore wena o dira diketelo ko go ba ba lwalang. Go na le ditekanyetso tsa lobelo. Tekanyetso e e kwa godimodimo mo motseng e ka nna dimmaele di le masome a mararo ka oura. Fela ke go neela teseletso ya go kgweetsa ka lobelo la masome a ferabongwe fa o batla go dira, ka gore ke na le tumelo mo go wena gore ga o tle go go dira fa e se fa o ne o na le mogala wa tshoganetso kgotsa mongwe a swa ka kwa koloi e thutse e senyegile. Mme ke tlaa go naya teseletso, ke le ratoropo wa motse ona, gore o ka tlola ka lobelo lobone lepe le le khubidu, o dire eng le eng se o se batlang, tswelela fela o ye gone kwa pele.” Leotlana le le nnyennyane le le seng botlhokwa thata le ka kgona jang go ntshwara golo fano ke dira dimmaele di le masome a manê ka oura mo kgaolong ya dimmaele di le masome a mararo? A ka se kgone. Nka se kgone go roba melao epe ya lobelo mo motseng ona, ka ntlha ya goreng? Nna ke kwa godimo ga melao ya lobelo. Amen! Ke solo fela gore lo a go bona.

<sup>136</sup> Mme fa re sule, mme Modimo a lemogile boikotlhao jwa rona, O lemogile kolobetso ya rona, O lemogile Madi a Morwa o e leng wa Gagwe, a ka tumelo a neng a dirisiwa, O lemoga taolelo pele ya Gagwe, mme o ne a itse gore ke tlaa go dira, mme o ne a ntemoga mo go Keresete, ke sule . . . Mme Keresete ne a swa mo lefelong la me fa A ne a bolawa pele ga motheo wa lefatshe. Leina la me le ne la tsenngwa mo Bukeng ya Gagwe ke le Mokeresete. Haleluya! Keresete ne a swa loso lwa me. Keresete ke Setlhabelo sa me. Mme Modimo o ne a ka se tlhole a kgona go mpalela boleo. O nneile Sekano sa Mowa o o Boitshepo e le bosupi gore ke fetile go tloga losong go ya Botshelong. Whew! Moo go a go dira.

<sup>137</sup> Fong bao ba ba tsetsweng ke Modimo ga ba leofe, gonne ene ga a kgone go leofa. Mo Kgolaganong e Kgologolo ngwaga mongwe le mongwe go ne ga gakologelwa boleo. Fela Keresete, ka setlhabelo se le sengwe O ne a itekanedis ka bosafeleng moobamedi. “Mo—moobamedi fa a phepafaditswe gangwe (Bahebere 10)—moobamedi fa a phepafaditswe gangwe ga a sa na segakolodi ka ntlha ya boleo.” Jalo he o tseye batho bana ba ba neng ba siana mo kerekeng mme ba tlolela ko godimo le ko tlase, ba bo ba thele loshalaba, ba bo ba bue ka diteme, mme ba itshole fela totatota jaaka Mokeresete, mme ba siele ko ntle, mme ngwaga o o latelang ba tshwanetse ba boe gape, beke e e tlang. Ga ba ise ba tle gope le go simolola. Bone ba iketsissa fela, gonne Baebele e buile gore Mowa o o Boitshepo o re kanelo

ka mo go Keresete go fitlheleng letsatsing la thekololo ya rona. Haleluya! Seo ke se se ntirang gore ke nne ke tlhomamisegile, ka gore Modimo o go soloeditse.

<sup>138</sup> Ga go sa tlhole go na le boleo. Potso ya boleo e rarabolotswe. Leo ke lebaka boleo bo lebegang bo le maswe thata mo Mokereseteng. Ke lebaka leo basadi golo fano ba apereng bomankopa bana ba lebegang ba le leswe mo Mokereseteng. Ke sone se e leng gore go nna le mathapa, ke sone se dilo tse di leswe, ke sone se e leng gore go goga, go nwa nnotagi, go betšha, dithulaganyo tsotlhe tsena tse di sa laolweng ka tolamo mo thelebishineng, dilwana tsotlhe tseo di lebega di le makgaphila. Goreng? Lona lo ba Bogosi jo bo farologaneng. O tsalelwaa ka mo Bogosing jwa Modimo mme o kaneletswe ke Mowa o o Boitshepo go fitlheleng letsatsing la thekololo ya gago.

<sup>139</sup> Ena yo o tsetsweng ke Modimo ga a dire boleo bope, gonne ga a kgone go leofa. Peo ya Modimo e mo go ena, mme ga a kgone go leofa. Fa fela Mowa o o Boitshepo oo o le teng moo O tlosa keletso nngwe le nngwe ya boleo mo go wena. Amen! O ka se kgone go leofa; ga go sa tlhole go na le keletso.

Re ka tsaya lobaka lo lo leelee mo go seo, fela a re itlhaganeleng. Ga re tle go di fetsa, ke a tshoga.

### **81. Goreng dikereke tse di kolobetsang ka leina la Rara, Morwa, le Mowa o o Boitshepo mme di dumela bareri ba basadi go rera, goreng di na le thata e ntsi thata le taolo?**

<sup>140</sup> Jaanong, moo ke selo se se tsikitlang. Jaanong, ke a itse gore ke bua le batho ba ba tlaa farologanang le sena, fela jaaka Mokeresete ke tshwanetse ke go bue. Ga go na taolo ya Lekwalo mo Baebeleng ya kolobetso ya metsi ka leina la Rara, Morwa, le Mowa o o Boitshepo. Ga go ise go ke go nne le motho a le mongwe yo o kileng a kolobetswa mo Baebeleng ka leina la Rara, Morwa, Mowa o o Boitshepo. Moo ke ngwao ya Khatholike e e rutilweng ka ngwagakgolo wa borataro.

<sup>141</sup> Go kgatšha ga go ise go ke go nne mo Baebeleng, gore batho ba kgatšhiwe kgotsa ba tshelwe, fa e se gore ba tibisiwe. Fa lo batla go itse seo, ke na le tsoopedi Segerika le Sehebere fano ka ga gone.

<sup>142</sup> Mme ka Letsatsi la Pentekoste, Petoro ne a lopa gore motho o tshwanetse a ikotlhae mme a kolobetswe ka Leina la Jesu Keresete gore ba itshwarelwae maleo a bona. Mme Rara, Morwa, le Mowa o o Boitshepo ga se leina lepe. Rara, Morwa, le Mowa o o Boitshepo... Matheo 28:19 ne a re “Ke gone tsamayang, lo ruteng ditšhaba tsotlhe, lo ba kolobeletsa ka mo Leineng,” eseng ka mo maineng, ka Leina, bongwe jwa... E seng ka leina la Rara, leina la Morwa, leina la Mowa o o Boitshepo, fela ka Leina la Rara, Morwa, le Mowa o o Boitshepo. *Rara* ga se leina; *Morwa* ga se leina; *Mowa o o Boitshepo* ga se leina. Tsone ke maemo a e leng a Leina.

<sup>143</sup> Jaanong, malatsi a le lesome morago Petoro ne a re, “Ikotlhaeng, mongwe le mongwe wa lona mme lo kolobetsweng ka Leina la Morena Jesu Keresete.” Rara, Morwa, le Mowa o o Boitshepo, lo a bona ka fa mogopolo o o leng wa medimo e meraro o o feteletseng... Lo a bona, ba leka go dira medimo e meraro go tswa mo go seo. Ga go na medimo e meraro. Ke tlaa rata go le balela seo go tswa mo Segerikeng sa kwa tshimologong fano. Tsela e le esi e ba neng ba kolobetswa ka Leina la Jesu ne e le, mme Baebele ne ya re ka Segerika sa kwa tshimologong, e ne e le go ba dira gore ba lemoge gore O ne a le Modimo.

<sup>144</sup> Rara, Morwa, le Mowa o o Boitshepo ke dikantoro tsa Modimo a le mongwe. O ne a le Rara; O ne a le Morwa; Ena ke Mowa o o Boitshepo. Ke dikantoro tse tharo tsa ditebalebelo tse tharo: Borara, Bomorwa, le tebalebelo ya Mowa o o Boitshepo. Fela Rara, Morwa, le Mowa o o Boitshepo ba na le Leina le le lengwe, Morena Jesu Keresete.

<sup>145</sup> Motho mongwe le mongwe go tloga letsatsing leo go tswelela o ne a kolobetswa ka Leina la Jesu Keresete, mme ba ne ba fitlhela bangwe ba ba neng ba sa kolobetswa ka Leina lepe gotlhelele, mme Segerika sa kwa tshimologong se bua gone fano le tsoopedi Sehebere, gore kolobetso ka Leina la Jesu ke ya boitshwarelo jwa maleo, tsoopedi Segerika le Sehebere. *Go tlosa* go raya “go itshwarela,” jaaka go itsiwe. Fa ke *tlosa* sengwe, ke go se ntsha. *Go se tlosa;* “go se ntsha.”

<sup>146</sup> Fela ga go na Lekwalo mo Baebeleng... Mme Paulo moapostolo ne a feta a ralala mme a fitlhela bakaulengwe bangwe ba Mabaptisti, Ditiro 19. Ba ne ba na le nako e monate thata; ba ne ba thela loshalaba; ba ne ba na le boipelo jo bogolo le dilo tse dikgolo; mme ba ne ba rera, ba na le boipelo mo bothibelelong.

<sup>147</sup> Akwila le Peresila mo kgaolong ya bo 18 ba ne ba etela batho bana, Apolose; ba ne ba le Mabaptisti. Mme Paulo ne a ya kwa go bona, mme o ne a re, “A lo amogetse Mowa o o Boitshepo esale lo dumetse?”

Mme ba ne ba re, “Ga re itse fa go na le Mowa o o Boitshepo ope.”

<sup>148</sup> O ne a re, “Le ne la kolobetswa jang?” Ke a itse mo go King James ya re “eng”; ko tshimologong e ne ya re, “jang.” “Lo ne lwa kolobetswa ka eng kgotsa jang?”

<sup>149</sup> Ba ne ba re, “Re kolobeditswe ke ena monna yo o kolobeditseng Jesu, Johane.” Paulo ne a re, “Moo ga go tle go tlhola go bereka. Lo tshwanetse lo kolobetswe sesa gape.” Mme erile ba utlwa sena, ba ne ba boela ka mo metsing mme ba kolobetswa gape ka Leina la Jesu Keresete. Paulo ne a bayatla tsa gagwe mo go bone, mme Mowa o o Boitshepo ne wa tla mo go bone. Jaanong, fa moo—fa e le Rara, Morwa, le Mowa o o Boitshepo, go bua fano, mme Morena Jesu Keresete, go bua

fano, nka se kgone go itaya dikota tsoopedi. Go tshwanetse go nepagale.

<sup>150</sup> Jaanong, Matheo 28:19, moo ke kgaolo ya bofelo le temana ya bofelo mo go Matheo. Fa o bala polelo ya ka ga lorato, mme e ne e re, “Johane le Marea ba ne ba tshelela ruri ba itumetse morago,” Johane le Marea ke bomang? Boelang ko tshimologong ya buka; batlisang gore bone ke bomang. Bonang ba Johane le Marea ba neng ba le bone ba ba neng ba tshelela ruri ba itumetse morago. Fa Jesu a rile, “Tsamayang lo kolobetseng ka Leina la Rara, Morwa, Mowa o o Boitshepo,” mme *Rara e se leina, Morwa e se leina, mme Mowa o o Boitshepo e se leina, fong O ne a bua ka ga eng?* Rara, Morwa, le Mowa o o Boitshepo ke Mang? Boela kwa tshimologong ya gone mme o bale. Ke tlaa inola morago ga ditshika tsa ga Jesu Keresete, kgaolo ya bo 1, temana ya bo 18:

*Jaanong go tsalwa ga Jesu Keresete go ne go le ka tsela ena: . . . (Jaanong elang thoko ka tlhoafalo thata. Pale ele, re ile go e bitsa Rara, felo mona ga therelo, Morwa, sena, Mowa o o Boitshepo. Jaanong, Rraagwe Jesu Keresete ke Mang? Modimo ke ene. A lona lotlhe lo dumela seo? Modimo ke Rraagwe Jesu Keresete. Moo ke Modimo Rara. Mona ke Modimo Morwa. Moo ke Modimo Mowa o o Boitshepo.)*

*Jaanong go tsalwa ga Jesu Keresete . . . le ka tsela ena: . . . (Matheo 1:18) Erile . . . yo o nyetsweng wa gagwe—Marea mmaagwe a ne a beeletswe ko go Josefa, pele ga ba e ba kopane, o ne a fitlhelwa a ithwele ngwana wa mo . . . [Phuthego ya re, “Mowa o o Boitshepo.”—Mor.]*

Ke ne ke gopotse gore Modimo o ne a le Rraagwe. Ke ne ke gopotse gore O ne a re Modimo o ne a le Rraagwe. Fong Modimo le Mowa o o Boitshepo boobabedi ba ka nna Rraagwe jang, fa e le gore bone ke batho ba le babedi ba ba farologaneng, batho ba le babedi ba ba farologaneng, botho, tsela epe e o batlang go go baya ka yone? Ba tshwanetse ba nne Sebelebele se se tshwanang, kgotsa O ne a na le bo ntat  ba le babedi ba semowa.

*. . . tsalo ya ga Jesu Keresete e ne e le ka tsena ena: Erile . . . Marea mmaagwe . . . a beeleditswe ke Josefa, pele a kopana, o ne a fitlhelwa a ithwele ngwana . . . (eseng wa Modimo Rara, fela wa) . . . Mowa o o Boitshepo.*

Mme mona gotlhe go ne ga dirwa, gore go tle go diragatswe jaaka go builwe ke Morena ka moporofeti, a re,

*Bonang, kgarebane e tlaa ithwala, mme e tsale ngwana, . . . (Lo a bona?) . . . mme ba tlaa bitsa leina la gagwe Emanuele, mo e leng gore go ya ka phuthololo ke, Modimo a na la rona.*

<sup>151</sup> Mme Leina la Gagwe le ne le bidiwa eng? Jesu. Go siame. Rara, Morwa, Mowa o o Boitshepo. Jaanong, Rara le Mowa o o Boitshepo ke one Mowa o o tshwanang. Mowa ke eng? Ke Mowa wa Modimo. Mme erile go ne go ntse jalo, O ne a tla mo kolobetsong ya ga Jesu mme a nna mo go Ene, “Yona ke Morwaake yo o rategang Yo Ke kgatlhegang go aga mo go ene.” O ne a fologa mme a nna mo go Jesu, mme moo go ne ga Mo dira Emanuele mo lefatsheng. Jalo he Leina la ga Rara, Morwa, le Mowa o o Boitshepo e ne e le mang? [Phuthego ya re, “Jesu Keresete.”—Mor.] Go tlhomame e ne e le lone.

<sup>152</sup> Jalo he Petoro ne a na le tshenolo e e tshwanang. Jaanong, re na le dipono tsa rona di lebisitswe mo teng. Re itaya bogare jwa sekota. A re boneng fa barutwa ba dirisitse mohuta oo wa go fula. Nako nngwe le nngwe fa ba ne ba kopana ga mmogo, nako nngwe le nngwe fa kolobetso e ne e umakiwa, ba ne ba tshwanelwa go kolobetswa ka Leina la Jesu Keresete, gonne o ne a re, “Ga go na Leina le lengwe le le Neilweng fa tlae ga Legodimo fa gare ga batho le ka lona lo tshwanetsweng go bolokesega.” Ke kakanyo ya maaka ya ga diabole mme ga se Lekwalo gotlhelele la se se jaana. Go jalo.

<sup>153</sup> Mme jaanong, ke solo fela gore moo ga go a utlwisa botlhoko, fela ke Boammaaruri. Lo a bona? Ke Boammaaruri, mokaulengwe. O ka se kgone go dira seo... O ka se kgone go bua ka ga Rara, Morwa, Mowa o o Boitshepo lefelo le le lengwe le Jesu mo go le lengwe, fa go se ope yo le ka nako epe a neng a kolobetswa ka leina la Rara, Morwa, Mowa o o Boitshepo. Motho mongwe le mongwe mo Baebeleng o ne a kolobetswa ka Leina la Jesu, mme bao ba ba neng ba sa kolobetswa ka tsela eo ba ne ba tshwanelo go tla mme ba kolobetswe seša gape pele ga ba ne ba ka kgona le e leng go amogela Mowa o o Boitshepo. O ka nna wa itshola jaaka ekete o na le thata e ntsi. O tshwanetse o latele leano la Modimo le le senang selekanyo. Go jalo totatota. Go siame.

<sup>154</sup> Rara, Morwa, le Mowa o o Boitshepo go phoso. Jaanong, ka ga bareri ba basadi, mongwe le mongwe o a itse gore moo go phoso. Fa o sa itse mo go fetang moo! Ke ne ke eletsa nka bo ke na le nako ya go bala seo go tswa mo Segerikeng fano, se e se buileng. Ne a re, “Fa basadi ba lona ba batla go itse sengwe, mpe ba botseng banna ba bone, ka gore go tlhabisa ditlhong eibile go tlolologile gore mosadi eibile a bue mo kerekeng.” Segerika se bua seo, ke raya, Sehebere. “Jaaka gape go bua molao, a bone ba nne mo tidimalong le ka boikokobetso jotlhe ko go modisa phuthego (Lo a bona?), gonne go boleo eibile go tlolologile gore mosadi a bue mo kerekeng.” Ija, mongwe le mongwe o tshwanetse a itse seo. Mme jaanong... E leng gore tsela yotlhe go ralala Dikwalo, le Timotheo, le Dikwalo tse di farologaneng, ke na le gone go kwadilwe fano, ke Boammaaruri. Go siame.

<sup>155</sup> Jaanong, fong goreng ba na le thata? O re, “Goreng moo go dira?” Leba, mokaulengwe, mpe ke go botse, kgotsa kgaitadi, le fa e le mang yo e leng ene yo o botsang potso ena, leba. Ke bone dingwe tsa dikopano tse di maatla bogolo go gaisa mo gare ga Mamoseleme, ba goeletsa, ba tlolaka, ba tsaya thipa mme ba e ralatse gone ka tlhamallo go ralala pelo jaana, mme ba tshele metsi a fete mo gare ga yone go ya ko morago, ba feta mo gare ga molelo ka dinao tsa bone tse di sa rwalang, sengwe le sengwe se sele se se jalo, ba robale mo malaong a metsu, mme—mme ba tseye tshaka ba bo ba e tsenya gone mo molomong wa bone ba bo ba e sotlhometsa gone go ya ko tlase jalo—lo ka e tsaya ka bolona mme lwa e somolela morago kwa ntle, mme madi a le mo go yone le sengwe le sengwe se sele. O sekwa wa bua ka ga dilo tseo. Lo a bona? Moo ga se Boammaaruri; moo ga go rurifatse sepe. Lo a bona? Jesu ne a re . . . Mpe ke baleng Dikwalo tse ke di lo kwaletseng fano, Matheo 7:21–23: “Ba le bantsi ba tlaa tla ko go Nna mo motheng oo . . . Ga se bottlhe ba ba reng, ‘Morena, Morena,’ ba ba tlaa tsenang ka mo Bogosing, fa e se bao ba ba dirang thato ya ga Rrê yo o leng kwa Legodimong ba tlaa tsena. Gonane ba le bantsi ba tlaa tla mo go Nna mo letsatsing leo mme ba re, ‘Morena, a ga ke a rera ka Leina la Gago. A ga ke a kgarameletsa ntle bodiabolo, ka ba ka porofeta, ka ba ka dira dilo tsotlhe tse dingwe tsena.’ O tlaa re, ‘Tlogang fa go Nna, lona ba lo dirang tshiamololo, ga Ke ise ebile ke lo itse.’” Lo a bona?

<sup>156</sup> Jalo he lo sekwa . . . Lo a bona, Boammaaruri bo kgona fela go tla ka tsela e le nngwe, mokaulengwe. Jaanong, ga ke bue gore batho ba ba kolobetsang batho ka Leina la Jesu Keresete ba ya diheleng. Ga ke bue seo. Modimo ke Moatlhodi; mpe Ena a dire le fa e le eng se A eletsang go se dira, fela ga go na Dikwalo dipe tse di ka fa molaong mo Baebeleng tsa gore ope a kolobetswe ka leina la Rara, Morwa, le Mowa o o Boitshepo.

<sup>157</sup> Paulo ne a laola mongwe le mongwe yo neng a kolobetswa ka tsela epe e sele go na le ka Leina la Jesu go tlaa mme ba kolobetswe seša gape ka Leina la Jesu, mme ne a re, “Fa moengele go tswa Legodimong a tlaa mme a rera thuto epe e sele (Bagalatia 1:8), a ena a hutsege.” Mme Paulo ne a re, “Jaaka ke buile pele, nna ke bua jalo gape, fa moengele go tswa Legodimong a tlaa lo rerela sepe se sele, a ena a hutsege.”

<sup>158</sup> Jaanong, moo ga go kake . . . O ka se kgone go dira sekota se itewe fano le gore sekota se itewe fale. Rara, Morwa, le Mowa o o Boitshepo, o re, “A bona ba tsamaye, ba siame!” Mme Leina la Jesu, o tlogele seo se letlelelelwé mme o re, “Ba siame.” Go tshwanetse go nne le sengwe se se tshwanetseng go itewa sentle. Modimo ga se mosimolodi wa tlhakatlhakano.

<sup>159</sup> Mme lo latediseng seo go ralala Baebele gongwe le gongwe kwa lo batlang go dira, mme lo tlaa fitlhela gore ke kolobetso ya maaka. Fong lo boeleng ko ditsong, mme golo ko ngwagakgolong wa borataro ka nako e Agtobus yo mogolo, ke a dumela e ne e le

ene, yo o neng a kolobetsa kgotsa mongwe wa ba . . . Nka se re e ne e le Agtibus; ke lebala gore leina la gagwe e ne e le mang yo o neng a kolobetsa . . . Fa lo batla go go tsaya mo go bo—*Bontate ba Pele ga Nishia* pele ga bokopano jwa Pele—jwa kwa Nishia, 325 A.D. ba ne ba sантse ba kolobetsa ka Leina la Morena Jesu. Mme erile kereke ya Khatholike e tsena mo thateng ba ne ba tsaya leina la Rara, Morwa, le Mowa o o Boitshepo. Ga go ise go nne le nako e le nngwe go tloga kwa morago koo, mo e leng gore ope le ka nako epe o ne a kolobetswa ka leina la Rara, Morwa, Mowa o o Boitshepo. Ke ngwao ya Khatholike.

<sup>160</sup> Lutere o ne a tlisa mo gontsi ga gone le ene. Wesele o ne a tlisa mo gongwe ga gone, mme re sантse re ya ko go gone. Mme katekisima ya Khatholike, se se bidiwang *Tumelo ya Borraetsho*, ke a dumela ke yone, mo tsebeng 144, ke akanya gore ke yone, o ne a re—ba ne ba re, “A go na le maprotestante ape a a tlaa bolokesegang?” Ne a re, “Kooteng bangwe ba bone. Ba ipolela gore ba tshela ka Baebele, fela ba sантse ba tsaya thuto ya Khatholike.” Ne a re, “Baebele, Makhatolike a pele, ba kolobeditse ka leina la Rara—ka Leina la Morena Jesu Keresete, fela rona re ntshitse masisi mo go seo mme re a baya mo go Rara, Morwa, Mowa o o Boitshepo, mme maprotestante a a go lemoga.” Ne a re, “Gongwe bangwe ba bone ba tlaa bolokwa.” Eseng ka seo ga ba tle go dira! Go siame.

### 82. A go na le lefatshe le le fetang bongwe?

<sup>161</sup> Ee, go na le mafatshe a mafatshe, Bahebere kgaolo ya bo 1 temana ya bo 2, Bahebere kgaolo ya bo 11 le temana ya bo 3. Go na le mafatshe a mafatshe. Modimo ne a tlhola mafatshe m-a-f-a-t-s-h-e, mafatshe.

### 83. A go na le legodimo le le fetang bongwe?

<sup>162</sup> Ee. Mo go wa Ntlha—mo go Bakorinthe wa Bobedi 12:3 Paulo ne a re o ne a itse monna yo neng a phamolelwa ko Legodimong la boraro. Mme ka kwa ko go Tshenolo le jalo jalo, go na le mo go fetang moo. Ke ile fela go tshwanela go itlhaganela, ka gore gone ke—gone ke gone jaanong mo go fetileng nako ya gore nna ke tswale. A go tlaa bo go siame fa nna fela ke tlaa bala mo go setseng ga tsena mme (go siame!) nna fela ke di tshwaela?

### 84. A lesea mo go Keresete le tlaa tlthatloga mo phamolong?

<sup>163</sup> Go sena pelaelo epe, fa ena a le lesea o tsetswe seša. Go sa kgathalesege ka foo a leng monnye ka teng, ena o tlaa tlthatloga le fa go le jalo. Lo a bona?

### 85. Goreng Keresete a ne a tshwanetse go bonala mo go nna jaaka ke ne ke le gaufi le go tsaya Selalelo?

<sup>164</sup> Sentle, ga go pelaelo pelo ya gago e ne fela e le lolame mme o ne o tla ka boitshepo mo Modimong go go dira; mme leo ke lebaka le A neng a bonala kwa go wena. Lo a bona, leo e tlaa bo

e le lebaka le le nosi le ke le itseng. Nka se kgone go bua mo go fetang—fetang seo . . . A re boneng.

### **86. Fa e le gore re ne re pholositswe pele ga mothe- . . . (Ao, ao. Ga re batle go ema fano a re a dira?) Fa e le gore re ne re pholositswe pele ga motheo wa lefatshe—a re ne re ntse jalo?**

<sup>165</sup> Ee, rra! Tshenolo 13:8 ne ya re o ne wa pholosiwa mme leina la gago le ne la tsenngwa mo Bukeng ya Botshelo ya ga Kwana pele ga lefatshe le ne le ka ba la tlholwa. Mme Baefeso 1:4 le 5 . . . Mpe fela ke baleng eo; ga go tle go tsaya fa e se motsotsa fela mme fela gore lo bone gore nna fela—fela ga ke go inole, nna ke—nna ke . . . Go siame, ke rona bano; a re baleng sena.

*A go bakwe Modimo le Rara . . . (Baefeso kgaolo ya bo 1 temana ya bo 3.)*

*A go bakwe Modimo le Rara wa Morena wa rona Jesu Keresete, yo o re segofaditseng ka ditshegofatso tsotlhe tsa semowa mo mafelong a selegodimo mo go Keresete Jesu:*

*Fela jaaka . . . (Reetsang!) . . . Fela jaaka a re itshenketsa mo go ena pele ga motheo wa lefatshe, gore re tle re nne boitshepo mme re sena molato fa pele ga Gagwe . . . (Jaaka Keresete a ne a re swela, jaaka go itsiwe.)*

*Ka a re tlhomamiseditse pele kwa go tsholweng jaaka bana ka Jesu Keresete, ka fa thatong e e molemo e e leng ya Gagwe.*

<sup>166</sup> Jaanong, mo Bukeng ya Tshenolo . . . Ke na le seo fano; mpe ke go tseyeng gone ka bonako, gore lo—lo bone gore nna fela ga ke ise ke go tshase ka sepe fela, ke batla go go inola. Tshenolo 13:8, reetsang sena fela ka bonako.

*Mme botlhe ba ba neng ba agile mo lefatsheng ba maina a bone—mo lefatsheng ba tlaa mo obamel, ba maina a bone a neng a sa kwalwa mo bukeng ya botshelo ya Kwana e e tlhabilweng pele ga motheo wa lefatshe. (Moo ke nako e go neng go le ka yone. Go siame.)*

### **87. A—a re ne re le mewa ka nako eo?**

<sup>167</sup> Nnyaya, re ne re se le e leng sepe ka nako eo, fela mo monaganong wa Modimo re ne re le teng. Mme O ne a go bua mme go ne ga nna bonagala. Jesu ne a bolawa pele ga . . . Ke ba le kae ba ba itseng gore Baebele e ruta gore Jesu Keresete e ne e le Kwana e e bolailweng pele ga motheo wa lefatshe. Goreng? Modimo o ne a go bua, mme erile A go bua, e ne e le mokaneng fela go fedile. Mme erile A ne a mpona, O go bone pele ga motheo wa lefatshe, re ne re le fela ba ba tshwantshitsweng mo monaganong wa Gagwe. Fong erile re tla mo lefatsheng, re ne re le boobabedi monna le mosadi, nona le tshadi. O ne a lomolola

mowa wa sesadi mo monneng mme a dira mosadi go tswa mo go one a bo a tlogela mowa o o tonanyana mo monneng.

<sup>168</sup> Fa o bona mosadi a itshwara jaaka monna, go na le sengwe se se phoso. O bona monna a itshola e le pharamoseseng jaaka mosadi, go sengwe se se phoso.

<sup>169</sup> Mme fong O ne a tsaya mo lotlhakoreng lwa motho legopo mme a dira mothusi go tswa mo go ene, mme bone ba le babedi ba bangwefela.

<sup>170</sup> Fela pele ga motheo wa lefatshe maina a rona... Fa Kwana e ne e bolawa, maina a rona a ne a tsenngwa mo Bukeng, fa mo monaganong o e leng wa Modimo A ne a re bonela pele ebole a re tlhomamisetsa pele ka kitsetsopela ya Gagwe pele ga motheo wa lefatshe. Ao, mokaulengwe, fa moo go sa tle go dira gore kereke e tlthatloge e bo e taboge go ralala differwana? Akanyang ka ga gone. Lona ba lo tsetsweng seša, pele ga motheo wa lefatshe, Modimo o tsentse leina la gago mo Bukeng ya Botshelo ya ga Kwana. Keresete ne a swa mme a romela Mowa o o Boitshepo fano go go biletsha kwa Botshelong jo Bosakhutleng. O O amogetse; O go kanetse. O foo go fitlheleng letsatsing la thekololo ya gago. Haleluya!

<sup>171</sup> Bua ka ga go tshwarelela. Ga se, a ke a tshwarelela; gone ke, a O ne a tshwarelela. Ga se se ke se dirileng; ke se A se dirileng. Ga se, “Ke tlogetse go goga; ke tlogetse go aka; ke tlogetse go utswa;” gone ke Ena o ntshwetse. Mme O ne a ntsha mowa wa me mo go nna mme a nkolobetsa go nna sebopiwa se seša.

Jaanong potso e e latelang gone fa tlase ga eo ke... Ka bonako jaanong gore re e tseye.

### 88. Ke pharologanyo efeng e e leng teng fa gare ga mmele, mowa wa botho, le mowa?

Mmele ke nama e o e lebelelang; oo o tshwanetse go bola. O ne wa tsalwa ka keletso ya tlhakanelo dikobo ya ga rrê le mma. O tshwanetse go bola. Ga o na mosola ope. Ke gone ka moo, mo tsalong seša, mo tsogong fa—fa o tlisiwa gape mo mmeleng o moša, e tlaa bo e le thata ya Modimo ya go tlholo e e tlaa buang jaaka A dirile ko go Atamo mme wena o tlaa tlhagelela.

Jobe ne a re, “Ke tlaa nna le keletso. Ena o tlaa bua mme nna ke tlaa Mo araba.” Lo a bona? Jaanong, mmele ke se o lebang kwa go sone, mowa ke se se go laolang, mowa wa gago wa botho ke maikaelelo a mowa oo, kgotsa tlholego ya mowa oo. “Mowa wa botho o o leofang, mowa oo wa botho o tlaa swa.” O tsalelwaa mo lefatsheng ka mowa wa botho o o boleo. Moo ke, tlholego ya mowa wa gago wa botho e boleo. O eletsaa thata dilo tsa lefatshe. Fong Mowa o o Boitshepo o a fologa mme o a go kolobetsa o bo o fetola tlholego ya mowa oo. Fong tlholego e e setseng mo go wena ke ya Legodimo. Fong o ipolela gore o moeti le moeng. Ka ntlha eo wena o tsetswe go tswa kwa godimo. O tswa ko godimo, wena o moikopedi wa Legodimo, o setshedi se seša mo go Keresete Jesu,

ka mmele o o tshwanang, ka mowa o o tshwanang, ke fela gore one o fetotsweg.

Mme wena o, kgotsa, tlholego ya gago ya mowa oo e fetogile go tswa mo tshiamololong go ya tshiamong. Moo ke mowa wa botho, mmele, le mowa.

### **88b. Mokaulengwe Branham, a motho ope a ka dira ditiro tsa ga Keresete fa e se fa e le Keresete?**

Nnyaya. Jaanong, wena, a o raya, motho yo o rategang, gore...? Mpe ke baleng eo gape.

### **A motho ope a ka dira ditiro tsa ga Keresete fa e se fa a ne a le Keresete?**

Ke se go leng sone, “Ntleng le fa e ne e le Keresete?” Go tlhomame. A re tseyeng Moitshepi Johane, motsotso fela. Moitshepi Johane kga—kgaolo ya bo 14 mme ke batla lo lebeleleng mona, jaanong, fa lo ka go tlhaloganya gone ka bonako, gore lo... Moitshepi Johane 14:12, ke a dumela ke yone.

Re tlaa go tsaya gone ka bonako, mme re lebe se Jesu a se buileng ka ga sena. Go siame, “Ammaaruri, ammaaruri, Ke lo raya ke re, Ena...” le fa e le mang yo e leng ene, “Ene yo o dumelang mo go Nna, ditiro tse Ke di dirang o tlaa di dira le ene.” Motho ope, fa... Motho ka boene a ka se kgone go nna Keresete, fela ditiro tsa ga Keresete di tlaa latela modumedi mongwe le mongwe. Lo a bona? O tlaa dira ditiro tsa ga Keresete mo mothong ope fela. “Yo o dumelang mo go Nna, ditiro tse Ke di dirang, o tlaa di dira.” Eseng, “Ke tla dira,” “o tla dira, o tla dira,” eseng, “Ke.” “Fela o dumela mo go Nna ebile o ipobotse tumelo ya gagwe mo go Nna mme o sule mo boeneng mme Mowa wa Me o nna mo go ene mme ene o fetoga go nna bonthabongwe jwa Me.”

Jaanong moo ga go mo dire Keresete. Go mo dira karolo ya ga Keresete le Kereke e e setseng. Go siame. Ena ga se Keresete, ka gore moo e tlaa bo e le moganetsa-Keresete, lo a bona. O tlaa bo a tlosa mo go Keresete. Fela o kgona go nna, a dire ditiro tsa ga Keresete, modumedi ope. Go siame.

### **88c. Re a itse gore Mowa o o Boitshepo o o segofetseng ga o tshabelelwé ke go boaboeletsa go sena mosola fa go tliwa mo go tlhaloseng Dikwalo tse di Boitshepo, jalo he tsweetswee mpolelele gore goreng lefoko *Mowa o o Boitshepo* le dirisiwa nako tse dingwe, mme lefoko *Setho se se Boitshepo* le dirisiwa ka dinako tse dingwe. Ke a itse gore go na le lebaka le le dirang tlhaloganyo tota ka ga... lebaka la sena mme ke tlaa rata go itse gore gobaneng.**

Ke lefoko le le tshwanang. Mowa le setho ke sone selo se se tshwanang. Setho kgotsa mowa, ga go kgathalesege; tsona di tshwana fela, ke mo go tshwanang. Go siame. Jaanong re ya gone kwa tlase ntlheng ya botlase, jaanong.

### **88d. Pinagare eo ya Molelo e e nang nao ke Eng?**

Eo ke e e siameng! Keresete! Mowa o o Boitshepo! Yone ga e na fela le nna, E na le wena. E ne fela ya bonala foo. Fa Baebele e ruta gore bana ba Iseraele ba ne ba huduswa kwa Egepeto, go ne ga diragala eng? Go ne go na le Pinagare ya Molelo e e neng e ba latela. E ne e se bana ba Iseraele ba ba dirileng motlholo, e ne e le Pinagare ya Molelo e e neng e ba latela. A go ntse jalo? Ke ba le kae ba ba itseng gore yoo e ne e le Moengele wa Kgolagano, Logose? Goreng, jaaka go sololetswe, re a itse gore e ne e le Moengele wa Kgolagano. Go siame. Moo e ne e le Keresete. Moše o ne a kaya dikhumo tsa ga Keresete e le matlotlo a magolo go feta ao . . . dikhumo tsa Egepeto. A go jalo? Go siame.

Fong yoo e ne e le Keresete, Logose, Naledi ya Masa, Alefa, Omega. O ne a tla mo lefatsheng. O ne a bonwa makgetlo a le mantsi. Mme—mme mo go se re tlaa se bitsang, ke a fopholetsa, mmele wa selegodimo. Moo e ne e le morago ko kgolaganong ya pele kwa ba neng ba bona Sena mo popegong ya motho. Fela O ne a dirwa nama a bo a aga mo gare ga rona, mme bottlalo jwa Modimo bo ne bo agile mo go Ene. Go siame. Fong O ne a re, “Ka sebakanyana mme lefatshe ga le tle go tlhola le Mpona. Le fa go ntse jalo lo tlaa Mpona gonne Ke tlaa bo ke na le lona . . .” A go ntse jalo? “go ya bokhutlong jwa lefatshe. Ke tswa ko . . .” Eng? “Modimong; Ke ya ko Modimong.” A go ntse jalo? Fong O ne a tswa kwa go (Eng?) Pinagareng ya Molelo. A go ntse jalo? Fong O ne a boela ko go (Eng?) Pinagareng ya Molelo.

Erile Paulo a ne a le mo tseleng ya gagwe go ya Damaseko Pinagare eo ya Molelo e ne ya mo kgatlhantsha ya bo e mo foufatsa. A go ntse jalo? Mme O ne a re “Saule, Saule, goreng o Mpogisa?”

O ne a re, “Morena . . .” Fa lo lemoga, tlhakakgolo eo *M* go raya “Elohim.” “Morena, Wena o Mang?”

O ne a re, “Ke nna Jesu.” Pinagare ya Molelo.

Mme Ena ke yona mo metlheng ya bofelo fela pele ga go bonala ga Gagwe mo pepeneneng, a romela Mowa wa Gagwe mo pontsheng o laola thata ebile o le popota thata go fitlhela ba ne ba tsere setshwantsho sa One. Ke Ona o tla mo kerekeng, o ka go go dira gone jaanong, ka thuso ya Mowa o o Boitshepo, ga go kake ga nna le sephiri mo pelong ya gago fa e se se One o ka se senolang. Baebele ne ya re, Bahebereg kgaolo ya bo 4, gore Lefoko la Modimo; Jesu ke Lefoko. “Ko tshimologong go ne go le Lefoko, mme Lefoko le ne le na le Modimo mme Lefoko le ne la dirwa nama la bo le aga mo gare ga rona.” A go ntse jalo? “Mme Lefoko le bogale go feta tšhaka epe e e magale mabedi. Ya . . . Le a tshela ebile le bogale go feta tšhaka e e magale mabedi, le tlhaba go aroganya lerapo, mo mokong wa lerapo, mme ke Molemogi wa dikakanyo tsa pelo.”

Gone ke moo. Ga se nna. Ga se wena. Ke Ena. Eo ke Pinagare ya Molelo e e latelang. Ke Mowa o o Boitshepo; Morena wa Legodimo; Logose; Jesu Keresete; Alefa, Omega; Ene yo neng a le gone, yo o leng gone, le yo o tlaa tllang; Motswe le Lotsalo la ga Dafita; Naledi ya Moso; ena KE NNA; Rara, Morwa, Mowa o o Boitshepo; Mogakolodi; Kgosana ya Kagiso; Modimo Mothata; Rara wa Bosakhutleng; Kgakgamacatso. Yoo ke Ena. O ne o ka se kgone go bona maemo a a lekaneng go Mmolelela... Leina la Gagwe.

Ke tlaa itlhaganelo mo go ena, ena ke ele e tona.

**89. Mokaulengwe Branham: A wena tsweetswee o tlaa tlhalosa megopoloo ya gago gore Efa o ne a ithwadisiwa Kaine ke diabolo?**

<sup>172</sup> Ga ke ise ke bue seo; ke rile Efa ne a ithwadisiwa Kaine ke nogga.

**Mo go Genesi 4:ya 1, temana ya bo 1, e bolela go itshekile gore, “Atamo o ne a itse mosadi wa gagwe Efa; mme o ne a ithwala, mme a tsala Kaine, a bo a re, ‘Ke bone monna go tswa ko Modimong.’”**

Go sena pelaelo epe! Botshelo jotlhe bo tshwanetse bo tswe ko Modimong. John Dillinger o tswa ko Modimong. Adolf Hitler o tswa ko Modimong. Mongwe le mongwe... George—George Whitefield o ne a tswa kwa go Modimo, mme le Bob Ingersol le ene jalo. Motho mongwe le mongwe o tswa kwa go Modimo.

<sup>173</sup> Fela se ke se buileng ke sena: Mme ke batla mongwe a se kgagolake fela. Lo a bona? Baebele ne ya re O tlaa baya (mo go Genesi 3:8). Ke... Po... Erile potso e ne e botswa fa Efa a ne a—sengwe se ne se mo diragaletse, o ne a kopana le sekamotho... Jaanong sekamotho e ne e se nogga; e ne e le phologolo, e e botlhale go gaisa thata ya sengwe le sengwe mo tshimong. Go ne go se sepe...

<sup>174</sup> Gompieno maranyane a batlana le lesapo la phologolo nngwe e e tshwaraganyang motho le kgabo mmogo. E e gaufi thata e ba nang nayo ke tshimpansi. Ga ba kgone go fitlhela lesapo. Ga ba kitla, ka gore ke sekamotho. Ke tshenolo ya Modimo.

<sup>175</sup> Elang tlhoko! Noga e ne e le mo—jaaka monna wa goo lowe, sengwe se se gaufi le Modimo—kgotsa se se latelang mo mothong. Mme moo ke selo se le nosi. Fa phologolo epe e sele go ka bo go ne go diragatse gore—Satane a ka bo a ne a tsene mo go tsone, peo e ka bo e ne e sa kopana le mosadi. O ka se kgone go tswakanya peo ya motho wa nama le mohutha ope wa peo ya phologolo. Ga go tle go dira. Fela phologolo ena e e tlaa tswakanyang peo yone go feleletse—ga e sale teng. Modimo o e fetotse go nna nogga. Fela gakologelwang fa...

Ne a re, “Goreng o ne o iphitlha? Goreng o ne o ikhurumetsa ka matlhare a mofeige?”

Fong ba ne ba simolola go supana ka menwana jaaka sesole se dira. "Sentle," Atamo ne a re, "mosadi yo O mo nneileng o nthaetse go ja leungo."

<sup>176</sup> Mme mosadi ne a re, "Sekamotho o ntsieditse." Jaanong, *go tsietsa* go raya eng? "Ena—ena o ntsieditse."

<sup>177</sup> Mme Modimo ne a re, "Ke tlaa baya bobaba fa gare ga peo ya gago le peo ya sekamotho." Peo! Sekamotho one a na le peo jaaka ditlhaka di tlhalosa, mme yone e ne ya tla ka Kaine. Ka Kaine ne ga tla batho botlhe ba ba botlhajana, ba ba rutegileng go fologa go tswa kwa pakeng ya pele ga morwalela. Mme kwa morago ga seo go ne ga tla Abele yo neng a bolawa, mme Sethe o ne a tsosiwa mo lefelong la gagwe go emela loso, phitlho, le tsogo ya ga Jesu. Mme go tswa mo go ene go ne ga tla batho ba ba ikobileng, badisa ba dinku le jalo jalo, e le fela batho ba ba boifang Modimo. Mme Jesu ne a re bana ba lefatshe lena ba bothhale go feta, ba bothhale go feta, go na le bana ba Bogosi. Go jalo!

<sup>178</sup> Re ka se kgone go itshwantshanya le bone. O se leke go ipaya gore o nne jaaka bone. Ikokobetse fa pele ga Modimo. O se eletse go nna botlhajana le bothhale. Eletsa fela go itse Jesu mme o go tlogele go le esi, gonnie foo go ntse peo ya sekamotho gompieno. Mme batho ba a ipelafatsa ka gore boramaranyane, le banna ba ba botlhajana, le ba ba rutegileng, le baithuti ba bagolo ke maloko a dikereke tsa bone. Go botoka ke nne le monna yo ka mmannete a neng a itse Modimo fa a ne a sa itse bo ABC ba gagwe gore a nne leloko la kereke ya me (ke gone!) fa fela ena e le peo ya ga Keresete.

<sup>179</sup> Peo ya mosadi, Peo ya mosadi e e neng e le Keresete. Marea ne a tsala Keresete. Mme peo ya sekamotho e e neng e le Kaine ne ya fologela ko go Jutase Isekariote. Go ne go na le boobabedi Jesu le Jutase e le mewa e e apereng nama gone foo, Modimo le diabolo. Mo sefapaanong sa Golegotha go ne go na le batho ba le banê ba ba neng ba swa. Go ne go na le legodu mo letlhakoreng lengwe le lengwe la ga Jesu, mme Jutase o ne a ikaletsa mo setlhareng sa mosekamore, se e leng sefapaano: "Go hutsegile yo o kaletseng mo setlhareng."

Go ne go na le legodu le le lengwe le le neng la re, "*Fa O le Morwa Modimo, re folose.*"

<sup>180</sup> Yo mongwe o ne a re, "Morena, rona ka tshiamo, re a otlhaiwa, fela Wena ga o a dira sepe. Nkgakologelwe nako e O gorogang ka mo Bogosing jwa Gago."

Jesu ne a re, "Gompieno o tla bo o na le Nna ko parateising."

<sup>181</sup> Go ne go na le mo—Jesu, moreri wa Efangedi, a rera mo mokgorong. Go ne go na le Satane a boela ko diheleng, a tsaya nae peo ya sekamotho, modumologi. Go ne go na le Modimo a boela ko Legodimong a tsaya le Ena moleofi yo o ikotlhaileng, peo ya mosadi. Go tlhomame!

<sup>182</sup> E ne e se peo ya ga diabolo; e ne e le peo ya sekamotho. Mme sekamotho o ne a na le peo; Baebele e rile o ne a na le peo. Mme e sa ntse e le teng gompieno, peo ya sekamotho. Mo gontsi thata...

Jaanong, lo ka mpotsa potso e nngwe ka ga seo. Fa fela re ne re na le nako, ke ne ka tsaya mafoko otlhe ka ntlha ya gago, mme...

### 90. A tsweetswee o tlaa tlhalosa se go se rayang ka, “Ga a leofe” mo go Johane wa Ntlha 5:18?

Ija, rona re gone fa go yone, ke a dumela fano. Gongwe yone... Ke na le yone; ne ka bula ka tlhamallo gone kwa go yone. Gongwe Morena o ne a batla gore ke go bale. Go siame, Johane wa Ntlha,

*Re a itse gore le fa e le mang yo o tsetsweng ke Modimo ga a leofe;...*

<sup>183</sup> Go tlhomame ga go jalo! Ke fetsa go lebelela seo. A ka se kgone go leofa; o tsetswe ke Modimo. “Ga a leofe,” ga a kgone go leofa, peo e ntse mo go ene. Lekwalo le lengwe le lo ka nnang lwa umaka ka ga lone fano e tlaa bo e le Baroma 4:8, 4 le 5-8 kwa Modimo... Dafita a buileng, ke raya moo, dingwaga tse di fetileng mme a re, “Go sego motho yo Modimo a sa tleng go mmalela boleo.” Lo a bona? Mme jaaka go sololetswe, ga a leofe.

Jaanong, re na le e le nngwe gape mme foo ke gotlhe.

### 91. Mathe-... (A re boneng.) **Mokaulengwe Bill, pharologanyo ke eng magareng ga bogokafadi le boaka, Matheo 19:9?**

<sup>184</sup> Jesu ne a bua mo go Matheo 19:9, “Le fa e le mang yo o tlhalang mosadi wa gagwe a bo a nyala yo mongwe, ntengleng le fa e le ka ntlha ya lebaka la bogokafadi, o dira boaka.” Pharologanyo magareng ga bogokafadi le boaka, lefoko le ka dirisiwa ka tsela epe. Fela go go papamatsa se a neng a bua ka ga sone foo, gore—mosadi yo o iseng a nyalwe ga a kake a dira boaka, ka gore ga a na monna ope go dira boaka kgatlhanong nae. Ke boitshekologo mo go ene. O tshwanetse a ipobole seo ko monneng wa gagwe pele ga ba nyalana fa a dirile seo. Fa go se jalo mme monna wa gagwe a go itse morago, o na le tshwanelo ya go mo tlhala, ka gore o tsere ikano ya maaka. Gonno Baebele ne ya re, “A gone sentle...” kgotsa tsamaiso ya ditiro tsa sedumedi ya rialo. “A go itsiwe sentle mo go lona (ke na le gone mo go ya me) fa e le gore banyalani bape ba patagantswe ka tsela epe go na le Lefoko la Modimo le lettelela, lenyalo la bone ga le ka fa molaong. Ke tlaa lopa ebile ke tlaa lo baya molato lo lo babedi jaaka ruri lo tlaa araba ko letsatsing la katlholo mogang diphiri tsa dipelo tsotlhe di tla bipololwang, fa ope wa lona a itse sekgoreletsi sepe gore goreng lo sa tshwanele go patagannwa ka fa molaong, wena jaanong o go ipolele.” Ke lona bao. Lo a bona?

<sup>185</sup> Jalo he bogokafadi ke se mosetsana, fa a tshela ka go itshekologa, moo ke bogokafadi, ka gore ga a na monna ope. Fela fa a nyetswe, mme foo fa a tshela jalo, o dira boaka kgatlhanong le monna wa gagwe.

<sup>186</sup> Mosadi o ne a tla e se bogologolo, mme o ne a re, “Ao, ke ipobotse gotlhe moo.” O ne a le mafafa, mme o ne a nna le pherethego maikutlo le monagano, a bo a re, “Ke ipoletse gotlhe moo ko Modimong.”

<sup>187</sup> Ke ne ka re, “O tshwanetse o go go ipobole ko monneng wa gago. E ne e se Modimo yo o neng wa dira boaka kgatlhanong nae; e ne e le monna wa gago.” Go ntse jalo.

<sup>188</sup> Mme fa monna a nyala mosadi mme a tshetse ka go itshekologa pele ga a mo nyala, mme a tloge a tle ko go ene, fa ba ne ba nyalane lobaka lo lo leelee jaana, mme foo ena a tle kwa go ena a bo a re, “Moratwi, ke batla go go bolelela sengwe. Ke ne ka ete etelana le monna yo mongwe, ga ke ise ke go bolelela,” Jesu o rile o na le tshwanelo ya go mo tlhala a bo a nyala yo mongwe, ka gore ga ba a nyalana ko tshimologong, ka gore ene ka maaka o ne a bolela le—leaka kgatlhanong nae.

Jaanong, go na le selo se sengwe fano . . . Ke a go leboga.

## 92. Tsweetswee tlhalosa Johane wa Ntlha 5:16.

Johane wa Ntlha 5, re na le gone fano.

*Fa motho ope a bona mokaulengwe a leofa boleo jo bo sa iseng losong, o tla lopa, mme o tla mo naya botshelo fa e le bao ba ba sa direng boleo jo bo isang losong. Go na le boleo jo bo isang losong: Ga ke bue gore o tlaa rapelela boleo joo.*

<sup>189</sup> Go siame. Re ya . . . A fela re go iseng gone kwa morago mme re go tseyeng gone ka bonako, ena ke ya bofelo. A re buleng gone ka ko go Mareko, mme mona go tlaa go tlhalosa fela totatota se boleo joo jo bo isang losong bo leng sone. Go na le boleo jo bo isang losong, mme ga o rapelele le e leng boleo joo. Ke ba le kae ba ba itseng gore go na le boleo jo bo isang losong. Wena ebile ga o bo rapelele. Tsayang Mareko, kgaolo ya bo 3 ya ga Mareko. Mme morago ga re sena go fitlhela kgaolo ya bo 3 ya ga Mareko, fong ka bonako re tla nna le Lokwalo le le lengwe pele ga re tswala. A re yeng ko go 3 le 22.

*Mme bakwadi ba ba neng ba fologa go tswa Jerusalema ba ne ba re, O na le Beelsebule, . . . (Ba ne ba Mmona a lemoga dikakanyo tsa batho.) . . . mme ba ne ba re, O na le Beelsebule, mme ka kgosana ya bodiabolo ena o kgoromeletsa ntle bodiabolo.*

*Mme a ba biletsha kwa go ena, a bolela na—nabo ka setshwantsho, Satane a ka kgarameletsa ntle Satane jang? . . . (Jaanong, fa diabolo a kgona go fodisa, ena a*

*ka kgona go go dira jang?) . . . Satane a ka kgarameletsa  
Satane ntle jang?*

*. . . fa bogosi bo ikgaogantse, bogosi joo bo ka se kgone  
go ema.*

*Mme fa ntlo e ikgaogantse, ntlo eo ga e kake ya ema.*

*Mme fa nna . . . Mme fa Satane a itsogologetse, mme a  
nne yo o senang kutlwano, a ka se kgone go ema, fela o  
na le bokhutlo.*

*Ga go motho ope yo o ka tsenang ka mo ntlong  
ya monna yo o nonofileng, mme a thope dithoto tsa  
gagwe, ntleng le gore pele a tle a mmofe—motho yo o  
nonofileng; mme foo o tlaa thopa dithoto tsa gagwe.*

A ka ya jang golo koo, ka mo dipelong tseo mme a bone se . . .  
(Lo a bona?) ntleng le fa gone go le ga Modimo?

*Ammaaruri Ke lo raya ke re, Boleo jotlhe bo tlaa  
itshwarelelwa . . . bomorwa motho, le tlhapatso e ka  
yone . . . bona—le fa e le eng—le fa e le dife tse ba tla di  
tlhapatsang:*

*Fela yo o tla tlhapatsang kgatlhanong le Mowa o o  
Boitshepo le ka mothla ope ga a na go itshwarelwa,  
fela o mo kotsing ya tshekiso ya bosakhutleng: (Moo ke  
tomololo!)*

*Ka gore . . . (Goreng A ne a go bua?) . . . Ka gore ba ne  
ba re, O na le mowa o o itshekologileng.*

<sup>190</sup> Ba bitsa Mowa wa Modimo o o neng o dira metlholo ena  
mo go Keresete, ba ne ba re e ne e le mowa wa ga diabolo o  
dira seo; Jesu ne a re ke boleo jo bo sa itshwarelweng. Mme fa o  
bona motho . . . Rapela—o sekwa wa mo rapelela fa a tlaopa Mowa  
o o Boitshepo mme a bua kgatlhanong le Mowa o o Boitshepo,  
o kganelwa le e leng go rapelela motho yo o jaana. Lo a go  
tlhaloganya? Gonne go na le boleo jo bo isang losong. Go na le  
boleo bo le bongwe fela. Jesu ne a re mehuta yotlhe ya boleo e  
tlaa itshwarelwa bomorwa motho, fela go tlhapatsa Mowa o o  
Boitshepo ga go tle go itshwarelwa.

<sup>191</sup> Jaanong batho ba re, “Sentle, go tlhapatsa Mowa o o  
Boitshepo, . . .” *Tlhaphatso ke eng? Go raya “go bua ka, go sotla,  
go tlaopa, go tlhapatsa.” Go siame!*

<sup>192</sup> Ba ne ba Mo tlhapatsa ka eng? Ba bolelela Mowa o o  
Boitshepo oo o o neng o le mo teng ga Gagwe, o Mo dira gore a  
itshole le go dira dilo tse A neng a di dira, ba ne ba re, “O tsenwe  
ke Beelesebule, diabolo. Mme moo ke diabolo, sedupe mo go Ena  
se neng se Mo dira gore a dire dilo tseo. A neng a bona diphiri mo  
pelong ya batho, le go bolelela Filipo gore O ne a itse kwa a neng  
a le teng pele ga a ne a tla mo bokopanong, le go kgoromeletsa  
ntle bodiabolo, le go dira dilo tseo foo, O go dira ka Beelsebule,  
mme Ena ke diabolo.” Mme Jesu ne a re boleo joo ga bo kitla bo

itshwarelwa, jalo he moo ke boleo jo bo sa itshwarelweng gore bo se rapelelwel le ka motlha ope. Ga go kitla go itshwarelwa. Monna le mosadi ba ba dirang seo ba ikaneletse ka bosakhutleng kwa ntle ga Bolengteng jwa Modimo ka metlha le ka metlha, ga go na boitshwarelo.

A lo a Mo rata?

Ke a Mo rata, ke a Mo rata,  
Gobane O nthatile pele,  
Mme a reka poloko ya me  
Mo setlhareng sa Golegotha.

<sup>193</sup> Reetsang, lo ntse lo siame thata, mme tsena di ntse di le makgwakgwa, mme di ntse di le lobaka lo lo leele. Jaanong lo ntse lo dutse mo kerekeng ena esale ka nako ya masome a le mararo morago ga bosupa, masome a le mararo morago ga ferabobedi, masome a le mararo morago ga ferabongwe, dioura di le pedi le halofo, le dutse mo kerekeng ena e e mogote. Ga lo a ka lwa dira seo fela gore lo bo lo dutse foo. Mme ke a fopholetsat ba le masome a ferabongwe le boferabobedi kgotsa masome a ferabongwe le boferabongwe mo lekgolong ba phuthego ba nnile gone mo setilong sa bone esale ka nako eo. Ke batla go bua sena: Jeffersonville, ke utlwa sena; gore e leofile gore e be e latlhegelwe ke letsatsi la yone la letlhogonolo. Ke a dira, seo. Ke dumela gore United States yotlhe e dirile, fela ke na le bangwe ba ditsala tse di tshepagalang go feta thata ba ba leng teng mo lefatsheng gone fano mo Jeffersonville. Ke na le batho fano ba ba tlaa swelang fa go nna.

<sup>194</sup> Jaanong, bosigo jo bo mogote jaaka jona, baeng ba ba leng mo dikgorong tsa rona, mpolelele kwa motho a tlaa dulang gone fela gore a bo a dutse go utlwa motho, kooteng, ba bua ka Dikwalo tse bone ebile ba sa di dumeleng ka tsela e ke neng ke tlaa go tlhalosa ka yone, fela bona ba masisi ebile ba na le poifoModimo mo go lekaneng gore ba dule mme ba go reetse. A ko lo tshele mo go leele; fa dinaledi di fetogile di le lorole, mma lo tshele go tswelela mo go Keresete Jesu. Mma Modimo a thelesetse sengwe le sengwe se lo nang le letlhoko la sone. Mma A lo neye keletso ya pelo ya lona. Fa o ntumela gore ke mothanka wa Gagwe mme o dumela gore dithapelo tsa me di tlaa go thusa, mpe Modimo wa Legodimo, Yo o tsositseng Morwae, Jesu Keresete, go nna Thuanyo ya maleo a rona, go swa mo boemong jwa rona, mma Ene Yo a leng mothatiotlhe, Ene Yo a leng mogotlhegotlhe, fano mo kagong ena jaanong, mma A go neye keletso ya pelo ya gago, ke thapelo ya me e e tlhoafetseng ka ntlha ya mongwe le mongwe wa lona. Mme ko Lefatsheng kwa letsatsi le ka motlha ope le ka se keng le phatsimela mo go wena gape go go babola, kwa diphefo tse di mogote di se kitlang di foka gone, Ke solo fela go nna le dingwaga di ntsifaditswe ka didikadike tsa dingwaga tsa go dula le mongwe le mongwe wa lona mo Bogosing jwa Modimo, mme re Rue ka ga dilo tsa Bosakhutleng tsa bosigo jona,

le dilo, ka foo re neng ra dula ga mmogo. Ke raya seo ka gotlhe mo go leng mo go nna, pelo ya me yotlhe. Ke rapela gore Modimo o tlaa lo naya seo, mongwe le mongwe.

<sup>195</sup> Mma letlhogonolo la Gagwe le nne le wena. Mma A go fodise bolwetsi jwa gago. Mma A go neye kolobetso ya Mowa o o Boitshepo. Mme ke bua sena jaanong go sena bobelebejane bope, go sena . . . Fa ke tlisitse sekgopi sepe ka sengwe se ke se buileng ka ga peo ya sekamotho, kolobetso ka Leina la Jesu, e leng gore dilo tseo . . .

<sup>196</sup> Jaanong mongwe a re, “Mokaulengwe Branham ke wa bongwefela.” Nnyaya, rra, nna ga ke wa bongwefela. Ga ke dumela gore Jesu o kgona go nna rra yo e leng wa Gagwe. Ke dumela gore Jesu o ne a na le Rara, mme yoo e ne e le Modimo. Fela Modimo ne a aga mme a nna mo mmeleng ona o o bidiwang Jesu, mme O ne a le Emanuelle, Modimo a na le rona. Mme ga go na Modimo yo mongwe ko ntleng ga Modimo yona. Ena ke Rara, Morwa, le Mowa o o Boitshepo. Mme Leina la Rara, Morwa, Mowa o o Boitshepo: *Rara*, Morena; *Morwa*, Jesu; *Mowa o o Boitshepo*, Logose, Mowa wa Modimo. Rara, Morwa, Mowa o o Boitshepo: Morena Jesu Keresete; yoo ke Ena. Mme mo go Ena go ne go agile bottlalo jwa Bomodimo ka mmele.

<sup>197</sup> Mme ke a dumela ntleng ga moriti o le mongwe wa pelaelo, ke go ratang, mme go sa kgathalesege fa o sala o kolobeditswe ka Leina la Rara, Morwa, Mowa o o Boitshepo, o kgatšhitswe, o tshetswe, le fa e le eng se o se ratang, ke rapela Modimo ka mowa wa me wa botho otlhe le mmele wena le nna re tlaa kopana mo Bogosing jwa Modimo, mme Modimo o tlaa dira, fa ke le phoso, o tlaa tlodisa tsa me matlho, fa o le phoso a tlodise tsa gago matlho. Fela mo go—go ya ka ditumelo tse e leng tsa me tsa Lokwalo go leka go dira gore sekota se itewe gore go tloge go le kwa go Genesi go ya kwa go Tshenolo, ke a go laola gore o kolobetswe seša gape ka Leina la Jesu Keresete fa o ise o go dire.

<sup>198</sup> Mme fa o ise o amogele Mowa o o Boitshepo, mme botshelo jwa gago bo sa utlwale bo le botshe, go sa kgathalesege fa o buile ka diteme, fa o thetse loshalaba, fa o tlotsa wa ba wa tlolela godimo le tlase, fa o beile diatla mo balwetsing mme ba fola, fa o dirile mehuta yotlhe ya metlholo le ditshupo, fa o sena maungo a Mowa wa lorato, boipelo, kagiso, boiphapaanyo, bomolemo, bopelonolo, bonolo, bopelotelele, tumelo le dilo tsotlhe tsena mo go wena, fong ke a go laola ebile ke a go patika mo Leineng la Jesu Keresete gore o se khutle go rapela go fitlhela Mowa o o Boitshepo o tla mo go wena! Go sa kgathalesege thata ka foo o buileng ka diteme ka teng, ka foo o neng wa thela loshalaba thata ka gone, o nnileng o le leloko la kereke lebaka le le kae, fa o nnile o le fano, gotlhe mo o go dirileng ga go tle go nna le sepe se se amanang le gone go fitlhela Keresete, Mowa o o Boitshepo, o tsaya lefelo la Gagwe mo pelong ya gago mme wena o sule ko dilong tsa lefatshe mme o tshela seša mo go Keresete.

<sup>199</sup> Modimo a le sego fatseng ke thapelo ya me. A re emeng jaanong ka dinao tsa rona. Ao, ena ke phuthego e ntle. Lo nnile lo le molemo thata; nna fela ke tlhoile go le tlogela lo eme jaana.

[Mokaulengwe o bua le Mokaulengwe Branham—Mor.] Edith yo monnye kwa morago koo o na le letsatsi la matsalo. Edith, a nka bala tsa gago...Ke ile go dira gore Mokaulengwe Neville a go tsenye tse na. (Tlaya fela kwano.) Re tlaa itse gore mohumagadi yo monnye yona o na le dingwaga di le kae. [Mokaulengwe Neville a re, "Masome a mararo le boferabobedi."] Dingwaga di le masome a mararo le boferabobedi. Modimo a go sego fatse. David, re neye...Ke raya, Teddy, re neele melotsana, *Matsalo A A Monate*, go siame, fa o rata.

Matsalo a a monate ko go wena;  
 Matsalo a a monate ko go wena;  
 Matsalo a a monate, Kgaitsadi Edith;  
 Matsalo a a monate ko go wena.

Jaanong, phuthego yothle ena e ipataganeye ga mmogo, *Ga Re Kitla Re Tsofala*. Tlayang, rotlhe ga mmogo jaanong.

Ga re kitla re tsofala, ga re kitla re tsofala,  
 Mo Lefatsheng le re se kitlang re tsofala gone;  
 Ga re kitla re tsofala, kwa re se kitlang re  
 tsofala gone,  
 Mo Lefatsheng le re se kitlang go re tsofala  
 gone.  
 Mo bontleng...  
 Re tla rakana letshitshing le lentle lele;  
 Mo bontleng kgantele,  
 Re tla rakana letshitshing le lentle lele.

Lo a Mo rata? Ao, Ena o a gakgamatsa. O molemo fela thata,  
 o pelonomi thata.

Le na le tshwaelonyana ya losea?



*DIPOTSO LE DIKARABO* TSW59-0628E

(Questions and Answers)

TATELANO YA TSA BOITSHWARO, TOLAMO LE THUTO TSA KEREKE

Molaêtsa o ka Mokaulengwe William Marrion Branham, o nê wa rôrwa la ntlha ka Sekgowa mo maitseboeng a Letsatsi la Tshipi, Seetebosigo 28, 1959, kwa Motlaaganeng wa Branham ko Jeffersonville, Indiana, U.S.A., o tsêrwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)